



# একমেবাদ্বিতীয়ং

দশম কল্প  
তৃতীয় ভাগ  
পৌষ ব্রাহ্মসম্বৎ ৫২

৪১১ সংখ্যা

শক ১৮০০

## তত্ত্ববোধিনী পত্রিকা

সকলবাহুনিদমসম্মানোন্নয়নং কিল্বনামোন্নতির্দেং সর্বমসজত। নহেব নিত্যং জ্ঞানমননং শিবং স্বতনত্রিবয়বমেকমেবাদ্বিতীয়ম্  
সর্বম্মাষি সর্বম্ নিয়ন্তু সর্বম্মাশ্রয়সর্বম্ বিত, সর্বম্মাশ্রয়সর্বম্ পূর্ণম্ প্রতিনিমিত্তি। একস্য তস্যৈবীপাসনত্র  
পারৈকমৈহিকস্ত্র মমম্ববতি। তন্নিম্ন, প্রীতিস্বাস্য মিয়কার্যম্মাঘনত্র তদুপাসনম্বে।

### বিক্রোপন

দ্বিপঞ্চাশ সাংবৎসরিক  
ব্রাহ্মসমাজ।


১১ বাঘ সোমবার প্রাতঃকাল  
৩ ঘণ্টার সময় আদি ব্রাহ্মসমাজ-  
গৃহে এবং সারংকাল ৭ ঘণ্টার  
সময়ে শ্রীযুক্ত প্রধান আচার্য  
মহাশয়ের ভবনে ব্রহ্মোপাসনা  
হইবে।

শ্রী জ্যোতিরিন্দ্রনাথ ঠাকুর।  
সম্পাদক।

### বেদান্তদর্শন।

৪৩০ সংখ্যক পত্রিকার ১৪৭ পৃষ্ঠা পর।  
ভারতবাসীগণের পক্ষে ক্রিয়াবিধি ও  
সমাজান এ উভয় তত্ত্বের সম্বন্ধে বেদ কল্প-

করু-সদৃশ। সেই পরম শাস্ত্রকে ক্রিয়ানিষ্ঠগণ  
এক ভাবে এবং ব্রহ্মজেরা অন্য ভাবে দৃষ্টি  
করেন। তন্মধ্যে ক্রিয়ানিষ্ঠগণের সিদ্ধান্ত  
এই যে প্রথমতঃ “বাচা বিরূপনিত্যয়া”  
বেদ নিত্য বাক্য। দ্বিতীয়তঃ “আন্নায়ন্য  
ক্রিয়ার্থত্বাৎ” বেদ কেবল ক্রিয়ারই শাস্ত্র।  
বেদের নিত্যতা সম্বন্ধে তাঁহাদের উক্তি এই  
যে, বেদ-বিহিত ক্রিয়া সকল জীবের ঐহিক  
ও পারলৌকিক ফলপ্রদ। জীবের আরম্ভ  
ও অন্ত কল্পনা করা অসম্ভব। সুতরাং জীব  
আদি-অন্ত-শূন্য নিত্য পদার্থ। কিন্তু উপ-  
জীবিকা ব্যতীত কি ইহকালে, কি পরকালে  
জীবের জীবন-ব্যবহার সম্ভবে না। কর্ম-  
ফলই সেই উপজীবিকা। প্রকৃতির রূপ-  
বিশেষ অনাদি বাসনা সেই ফলের বীজ।  
তাহাকে অঙ্কুরিত ও পরিবর্দ্ধিত করিবার  
নিমিত্ত যে যত্ন, প্রার্থনা, আরাধনা ও যজ্ঞাদি-  
রূপ কার্য তাহার নাম ক্রিয়া। তাহা হইতে  
সম্ভোগার্থ যে জীবিকা লাভ হয় তাহার নাম  
কর্মফল। অতএব ঐ বাসনা, ক্রিয়াসাধক  
মন্ত্র ও কর্মফল নিত্যকাল জীবকে আশ্রয়  
করিয়া থাকে। গ্রন্থ, পত্র, লিপি, অধ্যায়  
প্রভৃতি যে বেদ এমত অভিপ্রায় নহে।



সামান্যতঃ বেদ কেবল শব্দরাশি মাত্র।  
কিন্তু

“ঔৎপত্তিকস্ত শব্দস্য অর্থেন সহ সম্বন্ধঃ।”

অর্থের সহিত শব্দের সম্বন্ধ স্বাভাবিক ও নিত্য। এই হেতু বেদরাশির যে স্ফোট-স্বরূপ অর্থ তাহাই বেদ-শব্দের বাচ্য। বেদ-মন্ত্র সকল অর্থরূপে জীবের বাসনা হইতে স্ফুরিত হয়। স্মৃতরাং বেদ নিত্য পদার্থ। তাহা বীজ, অঙ্কুর, ক্রিয়া ও ফল রূপে এবং অভ্যুদয়প্রদ ধর্মরূপে নিত্যকাল স্বভাবে স্থিতি করিতেছে। প্রলয় দ্বারা বাহ্য শব্দ-রাশি বিনষ্ট হইলেও বেদের জীব-স্বভাব-নিহিত অক্ষয় বীজের নাশ হয় না! এতাবতা বেদ ঈশ্বরকৃত নহে। এতাদৃশ অকৃত পদার্থ যে বেদ তাহার সৃষ্টিকরণরূপ ক্রিয়া ঈশ্বরেতে অর্শিতে পারে না এবং তাদৃশ ক্রিয়া দ্বারা তাঁহার সার্ব্বভ্যাক্রম মাহাত্ম্য সিদ্ধ হইতে পারে না। দ্বিতীয়তঃ বেদ স্বয়ংই ব্রহ্ম-শব্দ-বাচ্য অপৌরুষেয় পদার্থ, এবং তাহা কেবল ক্রিয়ারই শাস্ত্র। তাহা কোন সর্ব্বজ্ঞ ও জগৎকারণ ব্রহ্মের প্রতি-পাদক নহে। কেননা ব্রহ্মবাদিগণের বর্ণিত জ্ঞানস্বরূপ ব্রহ্ম সৃষ্টি-সংসারের অতীত এবং স্বর্গাদি ভোগ যেমন ক্রিয়ার ফল তিনি তদ্রূপ কোন ভোগ্য ফল নহেন। এতাবতা বেদের ক্রিয়াপরতার দিকেই ক্রিয়ানিষ্ঠ-গণের দৃষ্টি। মহর্ষি জৈমিনি তাঁহাদের দর্শনকার। তন্মিন্ন অশ্বলায়ন, গোভিল, কা-ত্যায়েন প্রভৃতি অনেক মহর্ষি শাখাতেদে কস্মীঙ্গ বেদ-বিধি সকল স্বস্ব সূত্রগ্রন্থে শ্রেণী পূর্ব্বক সুসজ্জিত করিয়াছেন। মহর্ষি জৈমি-নির দর্শন-শাস্ত্রে ঐ সকল কস্মীঙ্গভূত বেদ-রাশির মীমাংসা আছে। সেই জন্য তা-হার নাম কস্মীমীমাংসা অথবা ধর্ম্মমীমাংসা। আর কস্মীকাণ্ডই বেদের পূর্ব্বকাণ্ড। জৈমিনি-দর্শনে তাহার মীমাংসা আছে বলিয়া উহার

আর এক নাম পূর্ব্বমীমাংসা। মহর্ষি বাদরায়ণ বেদান্তদর্শন নামে বেদশাস্ত্রের উত্তর-পাদ-স্বরূপ ব্রহ্মকাণ্ডের যে অন্য এক মীমাংসা প্রস্তুত ও প্রচার করেন তাহাকে উত্তর-মীমাংসা কহে। তাহা ব্রহ্মজ্ঞ-দিগের ব্রহ্মজ্ঞানরূপ বৈদিক দৃষ্টির সপক্ষ এজন্য তাহাকে ব্রহ্মমীমাংসা কহে। ইহার মতে ব্রহ্মই একমাত্র সত্য পদার্থ। তিনিই জগৎ, বেদ, যজ্ঞাদি ক্রিয়া, কর্ম্মফল প্রভৃ-তির বোনি, আশ্রয়, এবং লয়স্থান। তাঁ-হার আশ্রয়ে ও তাঁহার অনির্ব্বচনীয় শক্তি সহকারে এই ব্রহ্মাণ্ড সত্যের ন্যায় প্র-কাশ পাইতেছে। সেই শক্তি কি পদার্থ, তাহার কি প্রকার ধাতু, কেন তাহা কখনও ব্যক্ত কখন অব্যক্ত তাহা কেহ বলেন নাই। কিন্তু তাহার প্রভাব আশ্চর্য্য। যে সকল পদার্থকে জগতের এই স্থিতি-কালে আমরা ইন্দ্রিয়-পোচর স্কুল দ্রব্যরূপে দর্শন করিতেছি, সেই অনির্ব্বচনীয় শক্তি তাহার মূলীভূত উপকরণ; যে সকল পদার্থকে আমরা সুসূক্ষ্ম অদৃশ্য ইন্দ্রিয়-শক্তি মন, বুদ্ধি, বাসনা, কামনা, মানসিক বলি তাহারও মূল ধাতু ঐ শক্তি। ঐ শক্তিই বিশ্বরূপে আবির্ভূত। কিন্তু প্রলয়ে উহা আবার অব্যক্ত। এই সকল কারণে বেদান্ত শাস্ত্রে উহা মায়ী নামে এবং এই জগতের আবির্ভাব তিরোভাব মায়িক বলিয়া কথিত হয়। জীবের শরীরধারণ, সংসারাবস্থা, ধর্ম্ম, শুভাশুভ-ফল-ভোগ মায়িক ও পরমা-র্থতঃ অসত্য বলিয়া উক্ত হয়। ফলে বেদান্ত-শাস্ত্র সে সমস্তকে আকাশকুসুম, শশশূঙ্গ, বা বক্ষ্যার পুত্রের ন্যায় অসত্য কহেন না। কিন্তু শুক্ৰিতে রজতজ্ঞান, রজ্জুতে বোধ, তেজ ও কাচে বারিবুদ্ধির ন্যায় মীমাংসা বলেন। কেন না সেই ঈশ্বরীয় অনির্ব্বচনীয় শক্তি, যাহাকে বুঝিয়া উঠা যায় না এতদমত



তাঁহাৰই পরিণাম। সেই দৈবশক্তিতে এই জগৎ ও জৈবিক ব্যাপাৰেৰ ভাগ হইকৈছে। জগৎ ও শরীৰাদি সহস্র সত্য হইলেও তাঁহা প্রকৃতিৰ বিকাৰ ভিন্ন অন্য কিছু নহে। প্রকৃতি ঈশ্বৰেৰই শক্তি। সুতরাং বেদান্ত বলেন “হে জীব বুঝিয়া বল কাহাকে আমি, বা আমার শরীর বলিতেছ? শরীর ধরেন বলিয়া জীবেৰ অর্থাৎ জীবাত্ত্বাৰ নাম শরীর। তাঁহাৰ শরীর, সংসার, ধর্ম, ফলভোগ, হর্ষ, বিবাদ এ সমস্তই প্রকৃতিৰ বিকাৰ। জীবাত্ত্বা অর্থাৎ শরীরকে এই সমস্ত আৱরণ হইতে পৃথক কৰিয়া বিগুহ্ন ভাবে প্রতিপন্ন কৰাতে বেদান্ত দৰ্শনেৰ আৰ এক নাম শরীরক মীমাংসা। এ দৰ্শন ক্ৰিয়া, প্রকৃতি, অদৃষ্টি, ফল ও স্বৰ্গেৰ পক্ষপাতী নহে; তৎপরিবৰ্তে একমাত্র ব্ৰহ্মেৰ পক্ষপাতী। ইহা স্থূল সূক্ষ্ম কাৰণাদি শরীরেৰ পক্ষপাতী নহে, কিন্তু শরীর রূপ নিগ্নুল আত্ত্বাৰ পক্ষপাতী। ইহা আত্ত্বাৰ মায়া-সম্বন্ধাধীন জীব-ভাৱেৰ পক্ষপাতী নহে, কিন্তু মায়াশূন্য ও ব্ৰহ্মে যুক্ত তদীয় ব্ৰহ্মধাতুৰ পক্ষপাতী। এ দৰ্শনেৰ মতে ব্ৰহ্মই বিশ্বযোনি এবং শাস্ত্ৰযোনি। তাঁহা হইতে এই বিশ্ব, জীব, মানৱপ্রকৃতি, ধর্মার্থ-কাম-মোক্ষ-বিধায়ক জ্ঞান, বিজ্ঞান, বিধি, ক্ৰিয়া সমস্তই স্বভাবতঃ জন্মে। তাঁহা হইতে বিচ্ছিন্ন হইয়া স্থূল সূক্ষ্ম কোন পদার্থ, কোন তত্ত্ব, কোন বিধি, কোন জ্ঞান স্বতন্ত্ররূপে উৎপন্ন হইতে পারে না। অতএৱ সৰ্ব-জ্ঞানেৰ আকরস্বরূপ মহামহিমাম্বিত ঋখে-দাদি শাস্ত্ৰও তাঁহা হইতে স্বভাবতঃ উৎপন্ন হইয়াছে। যেমন তাঁহা হইতে উৎপন্ন হইয়া, তাঁহা কৰ্ত্ত্বক প্রতিপালিত থাকিয়া এবং তাঁহাতে বিলয়োন্মুখী হইয়া এই বিশ্ব-সংসার সহস্র হস্ত উত্তোলন পূৰ্বক তাঁহাকে সৰ্বকৰ্ত্তাৰ ন্যায় তটস্থ লক্ষণে দেখাইয়া দি কৈছে; সেইরূপ, হৃদয়গত প্রার্থনাৰ

শেষ কল স্বরূপ, হৃদয়কমলবাসী পরমাত্মাৰ জ্ঞাপক, মহাপবিত্ৰ বেদশাস্ত্ৰ তাঁহা হইতেই স্বভাবতঃ সমুদ্ভূত হইয়া তাঁহাৰ সৰ্বজ্ঞত্বাদি ধর্মকে এবং তাঁহাৰ পরম পবিত্ৰ জ্ঞানকে তটস্থ ও স্বরূপ উভয় লক্ষণ দ্বাৰা কহিতেছে। সুতরাং ব্ৰহ্ম যেমন বেদেৰ কাৰণ, বেদও সেইরূপ তাঁহাৰ যথাবৎস্বরূপ-জ্ঞাপক। কিন্তু ক্ৰিয়াবাদিগণেৰ আপত্তি এই যে বেদ অপৌৰুষেয়। তদেয়ানিত্ব-কল্পনা দ্বাৰা ব্ৰহ্মেৰ সৰ্বজ্ঞত্ব সিদ্ধ হইতে পারে না। দ্বিতীয়তঃ বেদ কেৱল ক্ৰিয়াৰ শাস্ত্ৰ, তাঁহাতে ব্ৰহ্মেৰ স্বরূপ লক্ষণ বা তটস্থ লক্ষণ কি রূপে থাকিবে?

বেদান্ত দৰ্শন এই উপস্থিত “শাস্ত্ৰযো-  
নিত্ব” সূত্ৰে উক্ত আপত্তিৰ মীমাংসা কৰি-  
তেছেন। পূজ্যপাদ শঙ্করাচাৰ্য্য এই সূত্ৰেৰ  
ভাষ্যে লিখিয়াছেন।

“অনেকশাখাভেদভিন্নস্য দেৱতিৰ্থাঙমুখ্যাবর্ণাশ্ৰ-  
মাডিপ্রবিভাগহেতোঋখেদাদ্যাখাস্য সৰ্বজ্ঞানাকরস্যা-  
প্রযত্নেনৈব লীলান্যায়েন পুরুষনিষ্ঠাসবদ্যাম্মাহহতোভূতা  
দেয়ানেঃ সস্তবঃ। অস্যা মহতোভূতস্য নিশ্চসিতমেত-  
দ্বদৃখেদ’ ইত্যাদি শ্ৰুতেঃ। তস্য মহতোভূতস্য নির-  
তিশয়ং সৰ্বজ্ঞত্বং সৰ্বশক্তিত্বঞ্চৈতি।”

অনেক শাখাতে বিভক্ত, দেৱতিৰ্থ্যক  
মুখ্যাবর্ণেৰ বর্ণাশ্ৰমাডি বিভাগেৰ হেতু,  
সৰ্বজ্ঞানেৰ আকরস্বরূপ ঋখেদাদি শাস্ত্ৰ  
সকল নিষ্ঠাস-ক্ষেপণেৰ ন্যায় বিনা প্রযত্নে  
অবলীলাক্রমে যে মহৎ পুরুষ হইতে উৎ-  
পন্ন হইয়াছে এবং শ্ৰুতিতেও উক্ত ঋখে-  
দাদি শাস্ত্ৰকে যে মহৎ পুরুষেৰ নিশ্চসিত  
কহিতেছেন, তাঁহাৰ সৰ্বজ্ঞত্ব ও সৰ্বশক্তিত্ব  
অতিশয় মহৎ তাহাতে আৰ সন্দেহ নাই।  
আচাৰ্য্যেৰা ভাষ্যকাৰণত উক্ত শ্ৰুতিৰ অর্থ  
কৰিয়াছেন যথা

“বদৃখেদাদিকমস্তি তদেতস্য নিষ্ঠাসিদ্ধস্য ব্ৰহ্মণো-  
নিষ্ঠাসইবাপ্রযত্নেন সিদ্ধমিত্যর্থঃ।”

জীবগণ যেমন বিনা প্রযত্নে নিষ্ঠাস

ভ্যাগ করেন, সেইরূপ সেই নিত্যনিদ্ধ  
ব্রহ্মের সকাশ হইতে স্বভাবতঃ অবলীলা  
ক্রমে ঋগ্বেদাদি শাস্ত্র নির্গত হয়। বেদের  
উৎপত্তিকে সেই হেতু শাস্ত্রে “নিশ্চয়িত  
ন্যায়” কহেন। এরূপ উৎপত্তি অপ্রমত্তোৎ-  
পত্তি মাত্র। তাহা বুদ্ধি বা প্রকৃতি পূর্বক  
নহে। সর্বজ্ঞানাকর, চতুর্বিগ্গলের কল্প-  
বৃক্ষ-স্বরূপ সেই মনাতন বেদশাস্ত্র মূলতঃ  
ব্রহ্ম হইতে স্বভাবতঃ উৎপন্ন হইয়াছে।  
তাহার বলক্রিয়াও যেমন স্বভাবসিদ্ধ তাহার  
জ্ঞানক্রিয়াও সেইরূপ স্বভাবসিদ্ধ। স্ত-  
রাং ব্রহ্মই সর্বশক্তিমান, জগৎকারণ,  
সর্বজ্ঞ এবং জ্ঞানস্বরূপ। বেদবাণী সকল  
কেবল ঋষিদিগের কণ্ঠনিঃসৃত নহে। তৎ-  
সমূহ তাহাদের হৃদয়নিঃসৃত। কেন না  
তৎসমস্তই অর্থ ও ভাবযুক্ত। সমস্ত বেদ-  
মন্ত্রই কামনা-প্রকাশক, ফলার্থ দৈব ক্রিয়ার  
সাধক অথবা নিকাম মোক্ষপ্রদ জ্ঞান-  
প্রকাশক। মানবের যখন যেমন অবস্থা,  
যেমন অধিকার, যেমন ধারণা, যেমন জ্ঞান  
জন্মে, ঐ বাণী সকল প্রস্থান-ভেদে ও  
বিভাগক্রমে তাহারই উত্তরসাধক হয়।  
অতএব ঋষিগণের হৃদয় হইতে ধর্ম ও  
ব্রহ্ম-প্রতিপাদক যে সকল বাণী নির্গত  
হইয়াছে এবং বাহা নর-স্বভাবের সাক্ষাৎ  
প্রতিমূর্ত্তিস্বরূপ বর্তমান আছে, তাহা যে  
ঈশ্বরীয় বিধি ও ঈশ্বর-প্রণীত-ভাব-পূর্ণ তা-  
হাতে আর সন্দেহ কি? আমাদের সমগ্র  
মনোভাবের যিনি নিয়ন্তা তিনি যে ধর্মার্থ-  
কাম-মোক্ষ-বিধায়ক মনোভাব-নিচয়েরও  
নিয়ন্তা তাহাতে আর সংশয় কি? যিনি  
সকলের মনের ভাব সামান্য ও বিশেষ-  
রূপে জানেন, যে মহাপুরুষ বাহ্য ও মানব  
প্রকৃতির সমষ্টিভাবগত গুণ, ধর্ম, অবগত  
আছেন এবং যিনি স্বয়ং সেই সকল ভাব,  
গুণ, ধর্ম ও জ্ঞানের উৎস তিনি যে একেবা-

রেই সর্বজ্ঞ, জগৎকারণ, বেদবিধির আকর-  
স্থান ও বেদশাস্ত্রের সৃষ্টিকর্তা তাহাতে আর  
সংশয় কি? সেই বহুকল্প ধর্মজীবন-স্বরূপ,  
ভাবরাশি-স্বরূপ বেদরাশি কল্পে কল্পে চির-  
জীবনসংগার সকাশ হইতে নির্গত হইয়া  
নর-হৃদয়কে অধিকার করিয়া থাকে। যুগে  
যুগে ঋষিগণ সেই অমূল্য ভাবরাশিকে কণ্ঠ-  
নিঃসৃত বাণী দ্বারা কীর্তন করেন। তাহাই  
লিপিবদ্ধ হইয়া বেদরূপ গ্রন্থ নামে প্রসিদ্ধ  
হয়। কিন্তু কোন বিশেষ নরে বেদের  
কোন রূপ কর্তৃত্ব অর্শে না। কেবল সমষ্টি  
নরস্বভাবের মূল উৎসস্বরূপ ব্রহ্মেতেই  
তাহা অর্শিয়া থাকে। ঈশ্বর, সর্বজ্ঞ, হিরণ্য-  
গর্ভ, ব্রহ্মা, বিরাট প্রভৃতি নাম, কারণ  
সূক্ষ্ম, স্থূলাদি অবস্থা-ভেদে তাহাতেই আ-  
রোপিত হয়। এজন্য শাস্ত্রে কোন স্থানে  
বেদ সর্বজ্ঞ-ঈশ্বর-কৃচ্ছ কোথাও হিরণ্য-  
গর্ভ-প্রণীত এবং কোন স্থানে বা ব্রহ্মা  
বা বিরাট পুরুষ হইতে উদ্ভূত কহিয়া  
ছেন। ইহাতে অর্থের ভেদ নাই।  
ব্রহ্মের যে পাদ সৃষ্টিসংসারে প্রকৃ-  
তিতে উপহিত রূপে সেই পাদকে নির্দেশ  
করিতেছে। সমষ্টি প্রকৃতির যেমন কারণ,  
সূক্ষ্ম, স্থূল অবস্থাত্রেয় আছে; তদনুপ্রাবর্ত্তিত  
ব্রহ্মেরও সেইরূপ কারণ, সূক্ষ্ম, স্থূল এই  
অবস্থাত্রেয় পরিকল্পিত হয়; তদনুপ্রাবর্ত্তিত  
জগতেরও তদ্রূপ বীজ বা কারণাবস্থা, সূক্ষ্ম  
বা অক্ষুরাবস্থা, সূব্যক্ত বা স্থূলাবস্থা আছে;  
এবং অবিকল সেইরূপ, মানবস্বভাবের ও  
মানবের জ্ঞানধর্মের দর্পণস্বরূপ বেদরূপ  
ভাবরাশিরও তিন অবস্থা স্বীকৃত হয়।  
প্রলয়াবস্থায় সেই বেদরূপ ভাবরাশি সমষ্টি  
মানব-স্বভাবের সহিত নিরুদ্ধবৃত্তিতে কারণ-  
স্বরূপ ঈশ্বরেতে লীন থাকে তাহাই বেদের  
বীজাবস্থা। সূক্ষ্ম-সৃষ্টিকালে

গর্তীকুরস্বরূপ, জীবগণের সমষ্টি মনো-  
রাজ্যাদিষ্ঠাতৃস্বরূপ নবোদিত হিরণ্যগর্তের  
সহিত তাহা বিকাশোন্মুখী হয় এবং জগ-  
তের ব্যক্তাবস্থার নিমিত্তে অপেক্ষা করিয়া  
থাকে। তাহাই বেদের অক্ষুরাবস্থা। স্থূল  
সৃষ্টিকালে কণ্ঠ, রসনা, বাক্শক্তিযুক্ত  
ডাবপরিপূর্ণিত হৃদয়বিশিষ্ট, জৈবিক স্থূল-  
দেহের সম্ভাব হেতু, তাহা সমষ্টি স্থূল  
দেহের অধিষ্ঠাতৃ দেবতা স্বরূপ ব্রহ্মা অথবা  
বিরাট পুরুষের সকাশ হইতে ঋষিদিগের  
হৃদয়, কণ্ঠ ও রসনা-যোগে স্মৃতিমতী বাণী  
স্বরূপে স্থূল সৃষ্টির উপযোগী হইয়া  
থাকে। তাহাই বেদের সূত্রাবস্থা। নি-  
স্পাপসম্ভাব সরলচিত্ত সাধু ঋষিগণের  
পবিত্রভাবোন্মত্ত হৃদয় হইতে বেদবাণী  
সকল স্ভাবতঃ উৎপন্ন হয়। তাহাতে  
কোন বিশেষ ঋষির বুদ্ধির বা ইচ্ছা-সাধন-  
তৎপরতা প্রযুক্তির কর্তৃত্ব নাই। কেবল  
তাঁদৃগ স্বকয়সমষ্টিতে উপহিত চৈতন্যস্বরূপ,  
জীবন বীজ-পুরুষ-স্বরূপ, হিরণ্যগর্ত বা  
ব্রহ্মাস্বরূপ, সর্বজ্ঞ জগৎকারণ ঈশ্বরেরই  
প্রেরণা দ্বারা তাহা উৎপন্ন হইয়া থাকে।  
পুরুষসূক্তে আছে

তস্মাৎ যজ্ঞাৎ সর্বভূতঃ ঋচঃ সামানি যজিরে।  
ছন্দাংসি যজিরে তস্মাদ্ যজুস্তস্মাদজায়ত ॥

সেই সর্বভূত ব্রহ্মরূপী যজ্ঞ হইতে  
ঋক্, সাম, ছন্দ ও যজুর্বেদ উৎপন্ন হইল ॥  
এখানে আচার্য্যেরা লিখিয়াছেন—

পুরুষসূক্ত পাঠ করিলে বুঝা যাইবে যে, তথায়  
বর্ণিত সমষ্টি স্থূল সৃষ্টির অধিষ্ঠাতৃ-দেবতা-রূপে  
পরিচয়িত হইলেন। সে ভাবে তিনি বিরাট পুরুষ রূপে  
একমাত্র, অরূপী ও অবর্ণ। তাঁহা হইতে চন্দ্র সূর্য্য  
জন্মান্তর-সঞ্চিত এই বিচিত্র বিশ্বরাজ্য এবং ইন্দ্রিয়-  
সৌন্দর্য-দেহবিশিষ্ট, জ্ঞানধর্ম্মযুক্ত, মানবগণে পরিপূর্ণ  
স্থূলমাক প্রসূত হওয়ার তিনি সমস্ত রূপ, সমস্ত রস,  
সমস্ত গন্ধ, সর্ব জীবের বীজ পুরুষ, এবং সমস্ত ধর্ম্মের  
উৎস বলিয়া গৃহীত হন। "তাঁহার ঐ বিরাট স্মৃতির

অপ্রযত্নোৎপত্তোচ্চাখং বুজা বিরচিতঃ কালিদাসাদি  
বার্টকাঃ বৈশম্ভ্যাদগৌরুবেয়ত্বং প্রতিসর্গং পূর্বসামো-  
নোৎপত্তেঃ প্রবাহরূপেণ নিতাতা, অতঃ সর্বজগ-  
দ্বাবস্থাবভাগিবেদকর্তৃত্বনিরূপণেন সর্বজ্ঞত্বং নিজ-  
পিতং ভবতি।

বেদশাস্ত্র নিশাসের ন্যায় ব্রহ্মের সকাশ  
হইতে অপ্রযত্নে উৎপন্ন হইয়াছে। বৃহি

অবয়ব-সংস্থান দ্বারা ভূলোকাদি সমস্ত লোক কম্পিত  
হয়, সত্য কিন্তু বিশুদ্ধ অর্থ রজস্তমঃ প্রভৃতিতে অস্পষ্ট  
যে নিরতিশয় সত্ত্ব তাহাই তাঁহার বার্থ্য রূপ।"  
পরব্রহ্মের স্থূল সৃষ্টিতে প্রবেশ, ও নিয়ন্ত্রণে অব-  
স্থান-ঘোষণার্থে ঐ স্মৃতির কম্পনা। তিনি যখন  
সমগ্র ব্রহ্মাণ্ডের বীজ পুরুষ, তখন অবশ্য তাঁহাতে  
সমস্ত জগতেরই অঙ্গ বীজ রূপে সংস্থিতি করে। এই  
অতিপ্রাথ। ইহার তাৎপর্য্য এই যে জগতের উপাদান-  
কারণ-স্বরূপিণী প্রকৃতি তাঁহার শক্তি বিধায়, ঐ প্রকৃ-  
তিকে অধিকার পূর্বক এই কম্পনা উৎপন্ন হই-  
য়াছে। এই কম্পনার প্রকারান্তরও আছে। যথা,  
এই স্থূল সৃষ্টির অংশে অংশে ব্রহ্ম অমুহূত থাকায়  
সেই নানা অংশ হইতে তাঁহার প্রভাব সমস্ত  
চয়ন পূর্বক তাঁহার বীজতাব সম্পন্ন করা। এইরূপ  
আংশিক প্রভাব দ্বারা পূর্ণপ্রভাবকে লাভ করার  
নাম "অয়ন" এবং পূর্ণপ্রভাবকে খণ্ড খণ্ড করিয়া অংশ-  
জ্ঞানগ্রহণের নাম "বাতিরেক"। পুরুষসূক্তে যে  
যজ্ঞের উল্লেখ আছে তাহা রূপক-ব্যাঞ্জে ঐ প্রকার  
অবয়ব-বাতিরেক-রূপ ব্রহ্মজ্ঞানকে নির্দেশ করি-  
তেছে। ব্রহ্মলাভই সেই যজ্ঞের উদ্দেশ্য ছিল। সে  
যজ্ঞে সমষ্টি স্থূল সৃষ্টিতে উপহিত চৈতন্যস্বরূপ  
ব্রহ্মই যজ্ঞপুরুষ; যাঁক্তি রূপে অয়ন তিনিই স্বীয়  
বৈরাটিক অঙ্গ প্রত্যঙ্গ এবং অয়নই যজ্ঞের বলি ও হবি  
প্রভৃতি উপকরণ ছিলেন। এই যজ্ঞ হইতে ঋক্ ও  
সাম সূক্ত সকল এবং ছন্দ ও যজুর্বেদ জন্মিল। ব্রাহ্ম-  
ণেরই বেদে অধিকার। বেদপাঠ, বেদমন্ত্রোচ্চারণ  
দ্বারা ক্রিয়ানির্মাণ, বেদের অধ্যাপনা, এ সমস্তই ব্রাহ্ম-  
ণের অর্থাৎ বেদজ্ঞ বা ব্রহ্মজ্ঞস্বরূপ যে উচ্চ বংশ  
তাঁহাদের মুখে হইয়া থাকে। কিন্তু মূলতঃ বেদ-  
শাস্ত্র ব্রহ্মের সৃষ্টি। সুতরাং সমষ্টি ব্রহ্মজগৎকে  
বিরাট পুরুষের মুখ বলিয়া গ্রহণ করিয়াছেন। ব্রাহ্মণো-  
হস্য মুখমাসীৎ।" এই যজ্ঞে ব্রাহ্মণই তাঁহার মুখ  
ছিলেন। অর্থাৎ সৃষ্টির অঙ্গ-সমবয় দ্বারা যখন  
বিরাট পুরুষ কম্পিত হইলেন, তখন ব্রাহ্মণই মুখ-  
স্থানীয় হইলেন। সেই সমষ্টি-ব্রহ্মমুখ হইতে বেদের  
জন্ম আর অয়ন তাঁহা হইতে বেদের জন্ম একই  
কথা। এই সর্বভূত ব্রহ্মযজ্ঞে কোন পশুবধ হয়  
নাই। ইহাতে যাজ্ঞিকেরা সেই ব্রহ্মকে বাতিরেক  
ন্যায়ে অর্থাৎ সৃষ্টির বিশিষ্ট প্রভাবনিচয়ে বিভক্ত  
রূপে অবতীর্ণ দেখিয়াছিলেন। এই বাতিরেক-করণ-  
রূপ ক্রিয়া দ্বারা ব্রহ্ম যেন খণ্ড খণ্ড রূপে ছেদিত  
হইলেন। এজন্য কথিত হইয়াছে যে সেই যাজ্ঞি-



পূর্বক বা প্রবৃত্তিবশতঃ তাহা স্বক্ট হয় নাই। এই জন্য তাহা অপৌরুষেয়। তাহা প্রতিকল্পে সমান ভাবে প্রকটিত ও উচ্চারিত হয় স্তত্রাং তাহা প্রবাহরূপে নিত্য। সমুদয় জগতের ব্যবস্থা-সম্পাদক সেই বেদের যোনি বিধায় ত্রক্লের সর্ব-জ্ঞত্ব সিদ্ধ হইল। আচার্য্যদিগের এই ব্যাখ্যার তাৎপর্য্য এই যে বেদ অপৌরুষেয় ও নিত্য বটে; কিন্তু কোন পুরুষ-বুদ্ধির কৃত নহে বলিয়া এবং অপ্রবৃত্তে নিশ্চিত ন্যায়ে উৎপন্ন বলিয়া “অপৌরুষেয়”। পূর্ব-নীমাংসার মতাবলম্বীগণ তাহাকে ঈশ্বরের স্বক্ট নহে বলিয়া যে “অপৌরুষেয়” কহেন তাহা অযুক্ত। কেননা তাহা ঈশ্বর হইতেই উৎপন্ন। তাহা একাদিক্রমে নিত্য নহে, কিন্তু প্রবাহরূপে নিত্য।

ক্রমশঃ।

কেরা এই বক্তে সেই বিরাট রূপী প্রথমজাত বীজ পুরুষকে বলি-স্বরূপে ছেদন করিলেন। তাঁহার সেই ছেদিত খণ্ড সকল তাঁহারই শরীরোদ্ভূত এবং অঙ্গ-স্বরূপ। তন্মধ্যে তাঁহার মুখ ব্রাহ্মণ রূপে অথবা ব্রাহ্মণ তাঁহার মুখরূপে প্রকাশ পাইলেন। ক্ষত্রিয়, বৈশ্য, শূদ্র ক্রমে তাঁহার বাহু, উরু, চরণ স্বরূপে, অথবা তাঁহার হিঙ্গ বাহু, উরু, চরণ ক্ষত্রিয়াদি রূপে গৃহীত হইলেন। অথবা লক্ষণপ্রয়োগে ইহাই বল যে তাঁহার সেই সমস্ত অঙ্গ হইতে ইহার সকলে জন্মিলেন। তাৎপর্য্যতঃ সমস্তই তাঁহা হইতে উৎপন্ন। এই বক্তে চন্দ্র, সূর্য্য, দিক্ বায়ু, ইন্দ্রাণি, অন্তরিক্ষ, দ্বালোক, এবং ভূমি তাঁহার হৃদয়, নেত্র শ্রোত্র, নাসিকা, বদন, নাভি, মস্তক ও পাদ হইতে ক্রমে উৎপন্ন হওরা কথিত হইয়াছে। এ সমস্তই রূপক। কিন্তু সমস্তই তাঁহা কর্তৃক স্বক্ট হইয়াছে এই অভি-প্রায়। সমষ্টি স্থূল স্বষ্টির তিনি বীজ, এ সমস্ত তাঁহারই মহিমা ইহাই জ্ঞাপন উদ্দেশ্য। বেদশাস্ত্রকেও সেইরূপ রূপক ব্যাজে তাঁহার মুখের বাক্য কহিয়া-ছেন, কিন্তু তাৎপর্য্য এই যে ধর্ম্মার্থ-কামমোক প্রভৃতি সর্ব প্রকার জ্ঞানের আকর স্বরূপ বৈদিক্ ভাষ্যালি তাঁহারই অক্ষর নিয়ম হইতে উৎপন্ন। ঋষিরা মহা পবিত্র দৃষ্টিতে তৎসমূহকে সাক্ষাৎ ব্রহ্ম-বাক্য রূপে গ্রহণ করিয়াছেন। ফলতঃ প্রস্তাবে, বেদ অতি পবিত্র শাস্ত্র। আর আর সমস্ত ধর্ম্ম ও জ্ঞানশাস্ত্র সেই পরমাকর হইতে উদ্ভূত।

### পাতঞ্জল দর্শন।

মহর্ষি পতঞ্জলি এই দর্শনের প্রথম প্রকাশক। তিনি কতিপয় সূত্র মাত্র সংক্ষেপে লিখিয়া বান। তৎপরে মহর্ষি ব্যাস সেই সূত্র গুলি স্বকৃত ভাষা দ্বারা বিশেষ রূপে বিবৃত করেন। এই সূত্র ও ভাষা উভয় মিলিয়া পাতঞ্জল দর্শন। তবে পৃথক পৃথক নামও আছে। সূত্রকে পাতঞ্জল-সূত্র ও ভাষাকে পাতঞ্জল-ভাষ্য কহে। এই শাস্ত্রে জ্ঞান-যোগ, ক্রিয়াযোগ ও ভক্তিব্যোগ ত্রিবিধ যোগই নির্ণীত হইয়াছে। তবে জ্ঞানযোগ ও ক্রিয়াযোগ যেমন বিস্তৃত রূপে বিবৃত হইয়াছে তক্রপ ভক্তিব্যোগের বিবরণ নাই। ভক্তিব্যোগ সংক্ষেপেই বলিয়াছেন। এই শাস্ত্র যোগ-বিবরণে পূর্ণ বলিয়া ইহার যোগ-শাস্ত্র নামও লোকে প্রচলিত। এবং ইহাতে যে সকল পদার্থ স্বীকৃত আছে সে সমস্ত সাংখ্য শাস্ত্রের স্বীকৃত পদার্থ এই জন্য ইহার ভাষ্যকে “সাংখ্য-প্রবচন-ভাষ্য” কহে। এই শাস্ত্র ঈশ্বরপরায়ণ। ঈশ্বর এ শাস্ত্রের প্রধান তত্ত্ব এই জন্য ইহাকে “সেশ্বর দর্শন” বা “সেশ্বর সাংখ্য” ও বলে।

পাতঞ্জল দর্শনে সমষ্টিতে চারিটি পরি-চ্ছেদ। পরিচ্ছেদ গুলির নাম পাদ। প্রথম পাদে জ্ঞানযোগ ও ভক্তিব্যোগের কথা আছে। তাহার নাম সমাধিপাদ। দ্বিতীয় পাদে ক্রিয়াযোগের বিবরণ আছে। তাহার নাম সাধনপাদ। তৃতীয় পাদে বিশেষ রূপে অনিমাди বিভূতি সকল বিবৃত হইয়াছে। তাহার নাম বিভূতিপাদ। এবং চতুর্থ পাদে বিশেষরূপে কৈবল্য মুক্তির বিবরণ আছে। তাহার নাম কৈবল্যপাদ।

এই পাতঞ্জল দর্শন যদিও অন্যান্য দর্শন শাস্ত্র অপেক্ষা সমধিক কঠিন কিন্তু ইহা বলা বাহুল্য, একবার এ শাস্ত্রে প্রবর্ত্ত হইলে স্বথের পরিসীমা থাকে না। যেমন জ্যোতিষ

ও চিকিৎসা শাস্ত্র প্রত্যক্ষকলদ তদ্রূপ এ  
শাস্ত্রও প্রত্যক্ষকলদ। চিকিৎসা শাস্ত্রের  
যেমন চারিটি আর্থিক বিভাগ আছে তদ্রূপ  
ইহাতেও চারিটি আর্থিক বিভাগ আছে।  
অর্থাৎ চিকিৎসা শাস্ত্রও রোগ, রোগনিদান,  
আরোগ্য, ভেষজ এই চারিটিতে চতুর্বিহু।  
যোগশাস্ত্রেরও হেয়, হেয়হেতু, হান ও হান-  
হেতু এই চারিটিতে চতুর্বিহু।

সাংখ্য প্রবচন ভাষ্য, সমাধিপাদ।

বস্তুজ্ঞা রূপমাদ্যং প্রভবতি জগতোহনেকধাতুগ্রহায়,  
শুক্লীণকেশরাশিকিঁয়মবিষধরোহনেকবল্লুঃ স্তভোগী।  
সর্বজ্ঞানপ্রসূতিভূ জগপরিষ্করঃ প্রীতিয়ে যস্য নিত্যং,  
দেবোহহীশঃ স বোহব্যায়ং সিতবিমলতনুযোগদো-  
যোগযুক্তঃ।

যিনি জীবগণের উপকারার্থ অথওদো-  
দগুণ্যমান ভাব পরিত্যাগ করিয়া ক্ষণ মুহূর্ত  
দণ্ড প্রভৃতি খণ্ডভাব ধারণ করিয়াছেন।  
উভয় পক্ষ অবলম্বন করিয়া গমনশীল  
(ভূজগ) জীবগণ, ঝাঁহার সততই প্রীতি  
উৎপাদন করিতেছে। অর্থাৎ যে সকল  
জীব, প্রযুক্তি বা সংসার পক্ষে ধর্ম এবং  
নিবৃত্তি বা সন্ন্যাস পক্ষে বৈরাগ্য আশ্রয় ক-  
রিয়া রহিয়াছে তাঁহারা, ঝাঁহার প্রীতি-  
ভাজন। যিনি সমস্ত জ্ঞানের প্রসূতি।  
অর্থাৎ জীবগণের প্রসূতি মাতা যেমন  
জীবগণকে জন্ম দিবার পূর্বে স্বীয় উদরে  
জীবগণের বন্ধ করিয়া রাখেন তদ্রূপ যিনি  
করিবার হৃদয়ে পরতন্ত্র সকল বিস্তার  
কিছু কাল পূর্বে স্বীয় অনন্ত ব্রহ্মাণ্ডদরে  
কিছু কাল আচ্ছন্ন করিয়া রাখিতেছেন (এই  
নিমিত্তই জীবগণের শীত্র সর্বস্বতা বা  
অনন্ত জ্ঞান লাভ হয় না। ব্রহ্মাণ্ডরূপী  
উনর মধ্যে জ্ঞানের যতদিন আচ্ছন্ন ভাবে  
পাকিবার নিয়ম আছে তাহার অন্যথা করে  
কাহার সাধ্য!) যিনি পদ্মপত্রের ন্যায়  
নির্লিপ্ত হইয়াও স্তভোগী অর্থাৎ নিত্য

আনন্দভোগবিশিষ্ট। যিনি নিরাকার হ-  
ইয়াও খণ্ড ভাব ধারণ করিয়া অসংখ্যবদন  
হইয়াছেন। যিনি সংসার রূপ বিষের নিবৃ-  
ত্তির জন্য দয়া করিয়া বিষম বিষ স্বরূপ  
(অর্থাৎ বিষস্য বিষমৌষধং) মৃত্যুরও সৃষ্টি  
করিয়া রাখিয়াছেন। ঝাঁহা হইতে জীবগ-  
ণের অশেষ চুঃখ যন্ত্রণা সকল ক্ষীণ হইয়া  
থাকে। ঝাঁহার শরীর না থাকিলেও খণ্ডভাব  
ধারণে শুক্র ও কৃষ্ণ পক্ষই শরীর হইয়াছে।  
এবং যিনি স্বয়ংই যোগযুক্ত হইয়া কার্য  
করিতেছেন। অর্থাৎ ক্ষণে মুহূর্তের যোগ,  
মুহূর্তে দণ্ডের যোগ, দণ্ডে ক্ষণ মুহূর্তাদির  
যোগ এই রূপ সকল খণ্ড কালেই সকল  
খণ্ড কালের সহিত যুক্ত হইতেছেন। এরূপ  
যোগযুক্ত না হইলে জগতের কদাচ কোনো  
কার্যই সম্পাদিত হইত না। হে প্রিয়  
শিষ্যগণ! এক্ষণে আমি প্রার্থনা করি, এই  
রূপ যোগযুক্ত কালাখ্য-শক্তি-রূপী যে ঈশ্বর,  
তিনি দয়া করিয়া তোমাদিগকে তোমাদের  
চিত্তের ব্যামোহ-ভাব হইতে রক্ষা করুন।

(সূত্র) অর্থ যোগানুশাসনং ॥ ১ ॥

ভাষ্য। অথৈত্যয়মধিকারার্থঃ।

যোগানুশাসনং শাস্ত্রমধিকৃতং বোদিতব্যং।

যোগঃ সমাধিঃ। স চ সার্বভৌমঃ চিত্তস্য ধর্মঃ।

ক্ষিপ্তং মূঢ়ং বিক্ষিপ্তমেকাগ্রং নিরুদ্ধমিতি চিত্ত-  
ভূময়ঃ।

সূত্রকার মহর্ষি পতঞ্জলি, জিজ্ঞাসু শিষ্য-  
গণের নিকট “এক্ষণে তবে যোগশাস্ত্র  
বলিতে আরম্ভ করিলাম” এইরূপ প্রতি-  
শ্রুত হইয়াছেন। মহর্ষির প্রথম সূত্রীয়  
এই প্রতিশ্রুত বাক্যে একটি ‘যোগ’ শব্দ  
আছে। ইহার অর্থ লোক-প্রচলিত অব-  
য়ব অবয়বীর সংযোগ, বা জাতি ব্যক্তির  
সমবায় যোগ, বা শব্দ অর্থের তাদাত্ম্য যোগ  
নহে। কিন্তু এখানে সমাধি-বোধক ‘যুক্ত’  
ধাতু-নিষ্পন্ন যোগ শব্দের ব্যবহার হইয়াছে।  
সুতরাং এ যোগ শব্দে সমাধি বুঝিতে হ-

ইবে। সমাধি কি? সূত্রকার পরে আপনিই বলিবেন। আমরা এক্ষণে সামান্যত এই মাত্র বলিয়া রাখি,—বাহা, মধুমতী, মধু-প্রতীকা ও বিশোকা নামক যোগি-জন-প্রসিদ্ধ চিত্তের অবস্থা সকলে বিদিত আছে তাহাকে সমাধি কহে। অথবা ইহাও যদি এখন বুঝিতে কঠিন হয়, তবে অন্তঃকরণের যে একাগ্রতা ধর্ম তাহাকে সমাধি বলিয়া জানিয়া রাখ। সাংখ্য শাস্ত্রে অন্তঃকরণের পাঁচ প্রকার অবস্থা নিরূপিত হইয়াছে। কিন্তু তাহার প্রথম, মূঢ় দ্বিতীয়, বিক্ষিপ্ত তৃতীয়, একাগ্র চতুর্থ, নিরোধ পঞ্চম। এই পাঁচ প্রকারের মধ্যে চতুর্থ একাগ্র অবস্থার যে ধর্ম তাহাকে সমাধি বলিয়া বিবেচনা করিতে পার।

ভাষ্য। তত্র বিক্ষিপ্তে চেতসি বিক্ষেপোপসর্জজনী-ভূতঃ সমাধিন যোগপক্ষে বর্ততে। যন্তেকাগ্রে চেতসি মদভূতমর্থং প্রদ্যোতরতি, ক্ষিপোতি চ ক্লেশান, কর্শ্ব-বন্ধনানি ল্পথরতি, নিরোধমভিমুখং করোতি, স "নস্প্রজ্ঞাতোযোগ" ইত্যাহ্যায়তে। সূচ বিতর্কাহুগতো বিচারাহুগতোহস্মিতাহুগত ইতুপরিষ্ঠাৎ প্রবেদরিষ্যামঃ। সর্ববৃত্তিনিরোধে স্মসংপ্রজ্ঞাতঃ ॥১৥

কিন্তু ও মূঢ় চিত্তের ন্যায় বিক্ষিপ্ত চিত্তও সমাধির প্রতিবন্ধক, উপকারী নহে। কেহ কেহ সন্দেহ করেন,—বিক্ষিপ্ত চিত্তে কিন্তু অপেক্ষা বিশেষ আছে। অর্থাৎ বিক্ষিপ্ত অবস্থায় কখন কখন ক্ষণ কালওত স্থৈর্য্যভাব হয়, তবে কেন ইহা সমাধির উপকারী হইবে না? বিক্ষিপ্ত অবস্থার যে ক্ষণিক ধৈর্য্য বা স্থৈর্য্য ভাব দেখিতে পাই-তেহ সে টুকু মাধ্যমিক জানিবে। অর্থাৎ সেই স্থৈর্য্যভাব টুকুর আদি ক্ষণেও চাকল্য আছে, পর ক্ষণেও চাকল্য আছে; সুতরাং সেই মাত্র অধ্যম-ক্ষণ-স্থায়ী ক্ষণিক ধৈর্য্য-ভাব দ্বারা সমাধির আর কি উপকার হইবে? কি আশ্চর্য্য! যে ব্যক্তি সর্বতঃশত্রুপূর্ণ জনতা মধ্যে প্রবিষ্ট, তাহার আবার মিত্র-

সহায়তা-সামর্থ্য!! বিজ্ঞগণ তাহার অস্তিত্বই লোপসম্ভাবনা করিয়া থাকেন। মিত্রের সহায়তা করা ত সুদূর-পরাহত। অতএব ইহা বলা বাহুল্য যে, এই ক্ষিপ্ত পঞ্চবিধ চিত্তের মধ্যে এক একাগ্রধর্মি চিত্তই সমাধির উপকারী। যেহেতু ইহাতে চাকল্য-ভাব কিছু মাত্র থাকে না। সকল ক্ষণেই ইহাতে স্থৈর্য্য-ভাব থাকে। সুতরাং শীঘ্রই সমাধিকে আনিতে পারে। এই একাগ্রচিত্তে অবস্থিত সমাধিই পরমার্থ-তত্ত্ব সকল প্রত্যক্ষ করাইয়া দেয়। ক্লেশ সকল নষ্ট করে। সংসার (জন্ম মৃত্যু) জনক কর্শ্ববন্ধ (সং-ক্ষিত অদৃষ্ট) সকল দগ্ধরজ্জু কল্প করিয়া দেয়। এবং নিরোধ-অবস্থার অব্যবহিত-পূর্ব শুভ ক্ষণটিকে শীঘ্রই সম্মুখীন করিয়া দেয়। একাগ্রধর্মি চিত্তে অবস্থিত "সং-প্র-জ্ঞাত" নামে ব্যবহার করিয়া থাকেন। সং-প্রজ্ঞাত সমাধি বিতর্ক, বিচার, অস্মিতা, ও আনন্দরূপ আনন্দ-ভেদে চতুর্বিধ। এই চতুর্বিধ যোগের বিবরণ পরে বিবেচনা রহিল। তবে প্রসঙ্গত এইমাত্র জ্ঞাপন করিয়া রাখি যে, এই সংপ্রজ্ঞাত যোগের জ্ঞাপন ভ্যাস করিতে করিতে পরিপক্বতা জন্মিলে যখন চিত্তের কিছু মাত্র থাকিবে না, এক্ষণে বারে সর্ববৃত্তির নিরোধ হইয়া যাইবে তখন চিত্তকে নিরুদ্ধচিত্ত ও যোগকে অসংপ্রজ্ঞাত সমাধি কহিয়া থাকেন ॥ ১ ॥

ভাষ্য। তস্য লক্ষণাতিথিসয়া সূত্রং প্রবর্ততে।

সংপ্রজ্ঞাত ও অসংপ্রজ্ঞাত নামে যে দুবিধ সমাধি বলিলাম, মহর্ষি সূত্রকার এই দুবিধ সমাধিকেই একমাত্র "যোগ" এই শব্দ দ্বারা উপস্থিতি করিতে অভিলাষী হইয়া এক্ষণে দ্বিতীয় সূত্র দ্বারা পরিচয় দিতেছেন।



## বাঙ্গালা ভাষা ও বাঙ্গালা সাহিত্য।

দ্বিতীয় প্রস্তাব।

ন্যায়রত্ন মহাশয়ের সহিত ঐকমত্যে আমরাও বাঙ্গালা ভাষাকে তিন কালে বিভক্ত করিব। ভাষার বাল্যকাল বা প্রথম অবস্থা এই প্রস্তাবে বর্ণিত হইবে।

ন্যায়রত্ন মহাশয় বলেন “কোন ব্যক্তিই আপনাবাল্যাবস্থার বিবরণ নিশ্চয় বলিতে পারে না। আমরা কোন্ পিতামাতা কর্তৃক উৎপাদিত হইয়াছি, কোন্ দেশে বা কোন্ সময়ে জন্মিষ্ঠ হইয়াছি, বাল্যকালে আমাদের কে কে অভিভাবক ছিলেন, কাহার দ্বারা প্রতিপালিত হইয়াছি এ সকল কথা অন্যে কেহ বলিয়া না দিলে, আমরা কখনই জ্ঞানিতে পারিতাম না। ভাষার পক্ষেও সেই রূপ।”

কোন্ মহাত্মা বাঙ্গালা ভাষায় সর্বপ্রথম গ্রন্থরচনা করেন তাহা নির্ণয় করা দুঃস্ব। সেই গ্রন্থের ভাষা কিরূপ ছিল তাহাই বা কিরূপে বলা যাইতে পারে। রাজনারায়ণ বাবু বিদ্যাপতিকের বঙ্গভাষার আদি কবি লিখিয়াছেন। কিন্তু আমাদের বিবেচনায় এ কথা সঙ্গত বোধ হয় না। এ পর্য্যন্ত বাঙ্গালা ভাষায় যে সকল প্রাচীন গ্রন্থ আবিষ্কৃত হইয়াছে, তন্মধ্যে “রাজমালা” সর্বাপেক্ষা প্রাচীন; সুতরাং রাজমালা-প্রণেতা পণ্ডিতবর শুক্রেস্বর ও বাণেশ্বরের সিংহাসনে নিদ্যাপতিকের সংস্থাপন করা কি ন্যায়সঙ্গত?

শুক্রেস্বর ও বাণেশ্বর

প্রণীত

রাজমালা।

“বিষ্ণু-গনময়-বিজয়ী, মহামহোদয় শ্রীযুক্ত  
মহারাজ শ্রীধর্ম্মাণিক্য দেববর্ম্মণ” ৮-১৭  
ক্রিপূরাকে  
(১৩২৯ শকাব্দে, ১৪০৭ খৃ-

ষ্টাব্দে) ষোড়শ-সিংহ-ধ্বত ত্রিপুরার চিরপ্রসিদ্ধ সিংহাসনে আরোহণ করেন। তাঁহার রাজ্যাভিষেকের পূর্বে ত্রিপুরার রাজকীয় ঘটনাবলী রাজস্থানের ন্যায় ১ কেবল চারণ (চিত্তাই) দিগের মৌখিক কবিতায় প্রকাশ পাইত। ত্রিপুর-বংশাবতংস শ্রীধর্ম্মাণিক্য দেব সিংহাসনে আরোহণ করিয়াই রাজসভার প্রধান পণ্ডিতদ্বয় শুক্রেস্বর ও বাণেশ্বরকে বাঙ্গালা ভাষায় ত্রিপুর-রাজবংশের ইতিহাস লিখিতে আদেশ করেন। তদনুসারে তাঁহারা বাঙ্গালা কবিতায় ত্রিপুর-নৃপতিগণের ইতিহাস রচনা করিয়া সেই গ্রন্থকে “রাজমালা” আখ্যা দান করেন। এই গ্রন্থে সংস্কৃত ও প্রচলিত ভাষার প্রয়োগ দৃষ্ট হয়। বিদ্যাপতির রচনার ন্যায় ইহাতে হিন্দীর বাহুল্য নাই। রাজমালার পূর্বে কোনও বাঙ্গালা গ্রন্থ রচিত হইয়াছে কি না তাহা নির্ণয় করা অসাধ্য। সুতরাং বর্তমান অবস্থায় আমরা অসঙ্কচিত্ত ভাবে রাজমালাকে বাঙ্গালা ভাষার সর্বপ্রাচীন গ্রন্থ ও ঐতিহাসিক কাব্য ২ এবং ব্রাহ্মণ-কুলঙ্গ শুক্রেস্বর ও বাণেশ্বরকে আদি-কবি, ঐতিহাসিক ও গ্রন্থকার বলিয়া নির্দেশ করিতে পারি।

সুবিখ্যাত রেবারেও জেইম্‌স্‌ লং সাহেব এই গ্রন্থ সম্বন্ধে লিখিয়াছেন—“The *Raj-mala* is a curiosity as presenting us with the oldest specimen of Bengali composition extant, the first part of it having been compiled in the beginning of the 15th century, the subsequent portion were composed at a more recent date. We may consider this

১ মিবার রাজবংশের প্রাচীন ইতিহাস “গোমান-রস” হইতেও ত্রিপুরার রাজমালা ১৫০ বৎসরের প্রাচীন। ইহা বাঙ্গালীর সামান্য গৌরবের কথা নহে।

২ এ স্থলে কাব্য অর্থে গম্ভ্য নহে; পরারাদি চ্ছন্দে লিখিত ইতিহাস। হিন্দীতে ইহাকে “রস” বলে। টড সাহেব “রস” কে ইংরেজিতে Poetical legends of Princes লিখিয়াছেন।

as the most ancient work in Bengali that has come down to us.” ৩

১৮৫০ খৃষ্টাব্দে শ্রীযুক্ত লং সাহেব রাজমালার সংক্ষিপ্ত ইংরাজি অনুবাদ এসিয়াটিক সোসাইটির জর্নেলে প্রকাশ করিয়াছেন। ১৮৭৬ খৃষ্টাব্দে সুবিখ্যাত হন্টার সাহেবও এই গ্রন্থের আর একটা ইংরাজি অনুবাদ প্রকাশ করিয়াছেন<sup>৪</sup>। প্রস্তাবলেখকের প্রণীত ত্রিপুরার ইতিবৃত্তও ঐগ্রন্থ অবলম্বনেই লিখিত হইয়াছে।

পণ্ডিত প্রসন্নচন্দ্র বিদ্যারত্ন কি কারণে রাজমালাকে ৯০০ বৎসরের প্রাচীন গ্রন্থ লিখিয়াছেন তাহা আমরা বুঝিতে পারি না। বাবু রজনীকান্ত গুপ্তও বিদ্যারত্ন মহাশয়ের মতানুসরণ করিয়াছেন। পণ্ডিত রামগতি ন্যায়রত্ন বলেন “ত্রিপুরার রাজাবলী ও রামরাম বসুর প্রণীত প্রতাপাদিত্য-চরিত মধ্যকালের গদ্যগ্রন্থ।” রাজমালা খৃষ্টাব্দের পঞ্চদশ শতাব্দীর প্রথম ভাগে ও প্রতাপাদিত্য-চরিত বর্তমান শতাব্দীর প্রারম্ভে লিখিত হইয়াছে; সুতরাং ইহার এক খানিও মধ্যকালের গ্রন্থ নহে। বিশেষতঃ রাজমালা যে গদ্যগ্রন্থ নহে ইহা আর পাঠকদিগকে বলিয়া দিতে হইবে না।

এস্থলে রাজমালার একটা সংক্ষিপ্ত পরিচয় প্রদান করিলাম। কিন্তু সময়ান্তরে রাজমালার বিস্তারিত সমালোচনার বাসনা রহিল।

চণ্ডীদাস,

ও

মৈথিল কবি বিদ্যাপতি।

চণ্ডীদাস বারেন্দ্র-ব্রাহ্মণ-কুলজ। বীরভূম জেলার-মাকুলীপুর থানার অধীন নান্দুর

৩ Journal. Asiatic Society of Bengal. Vol XIX. page 536.

৪ Hunter's Statistical Account of Bengal. Vol. VI.

নামক গ্রামে তাঁহার বাস ছিল। তিনি প্রথমতঃ বাশুলী (বিশালাক্ষী) দেবীর উপাসক ছিলেন। শ্রীযুক্ত বিমস সাহেব বলেন “বাশুলী” অনার্যদিগের দেবতা, আর্ষগণ এই দেবতাকে তাঁহাদের দেবতা-শ্রেণীতে গ্রহণ করিয়া “বিশালাক্ষী” আখ্যা দান করিয়াছেন। বিমস সাহেবের এই নির্দেশ সঙ্গত কি না তাহা আমাদের বিচারের প্রয়োজন নাই। চণ্ডীদাস প্রথমতঃ বাশুলী ছিলেন ইহা স্বীকার্য বিষয়। বৈষ্ণবগণ বলেন—তিনি একদা নদীতে স্নানার্থ গমন করেন। সেই সময় নদীর স্রোতে একটা প্রস্ফুটিত পদ্মপুষ্প ভাসিয়া যাইতেছিল। চণ্ডীদাস সেই পুষ্পটী লইয়া ভাবিলেন তদ্বারা বিশালাক্ষীর পূজা করিবেন। তিনি স্নানান্তে দেবীর গৃহে উপনীত হইলে, বিশালাক্ষী তাঁহার সম্মুখে উপস্থিত হইয়া বলেন “বৎস, এই পুষ্পটী কখনও চরণে দিও না।” চণ্ডীদাস বলিলেন “হ্যাঁ, আমার প্রভুর পূজা করা হইয়াছে। অতএব আমার মস্তক ইহার উপযুক্ত স্থান।” চণ্ডীদাস বলিলেন “তোমার প্রভু কে?” দেবী বলিলেন “ভগবান শ্রীকৃষ্ণ।” চণ্ডীদাস এই বাক্য শ্রবণ মাত্র সামান্য দেবীর উপাসনা ত্যাগ পূর্বক বৈষ্ণব ধর্ম গ্রহণ করিলেন। এই গল্পটী যে ক্রমাশয় বৈষ্ণব-মানুষ্যের অবৈষ্ণবের কল্পিত তাহা বলা বাহুল্য। বৈষ্ণবগণ বলেন “চণ্ডীদাস বৈষ্ণব হইয়া গ্রহণ করিলে ভগবানের আদেশানুসারে তিনি রামি ধোপানীকে বৈষ্ণবরূপে গ্রহণ করেন।” তিনি বৈষ্ণব হইয়া প্রণয়ামল হইয়াছিলেন, কি রামির সঙ্গ বলিয়া সমাজচ্যুত হইয়া বৈষ্ণবগণের গ্রহণ করেন তাহা নির্ণয় করা বাহা হউক তান্ত্রিকদিগের মানসী

বৈষ্ণবদিগের বৈষ্ণবী তাহাদিগের বিবেচনায় ঈশ্বরোপাসনার অঙ্গ হইতে পারে, কিন্তু আমরা এই ব্যবহারে অবশ্যই সন্দিগ্ধ করিব। বিমসু সাহেব বলেন চৈতন্যের পূর্বে চণ্ডীদাসই একটা নীচ জাতীয় স্ত্রী গ্রহণ করিয়া মহৎ দৃষ্টান্ত প্রদর্শন করিয়া গিয়াছেন। যদি চণ্ডীদাস রামিকে বৈধ পত্নীরূপে গ্রহণ করিতেন তাহা হইলে আমরা অবশ্যই বলিতাম তিনি জাতিভেদের শৃঙ্খল সর্ব্বাঙ্গে ছেদন করিয়াছেন। কিন্তু বৈষ্ণবী-গ্রহণের প্রথাটী আমাদের বিবেচনায় নিতান্ত বিশুদ্ধ নহে।

বাবু রমেশচন্দ্র দত্ত বলেন—“চণ্ডীদাস ও রামি ঘর চাপা পড়িয়া একে অন্যের বাহুর উপরে থাকিয়া মানবলীলা সম্বরণ করেন।”

বিমসু সাহেব তাঁহার “বঙ্গীয় প্রাচীন বৈষ্ণব কবি” শীর্ষক প্রবন্ধে লিখিয়াছেন “চণ্ডীদাস ১৪১৭ খৃষ্টাব্দে জন্মগ্রহণ করেন। ৬৩ বৎসর বয়ঃক্রমে ১৪৭৮ খৃষ্টাব্দে তাঁহার মৃত্যু হয়।” কিন্তু কোন্ প্রমাণ অবলম্বন করিয়া তিনি চণ্ডীদাসের জন্ম মৃত্যুর অব্দ নিরূপণ করিলেন তাহার কোনও উল্লেখ নাই।

চণ্ডীদাসের সময় নিরূপণের একটা সহজ উপায় আছে। কারণ তিনি বিদ্যাপতির সমকালীন লোক। বিদ্যাপতি একজন মৈথিল কবি। পণ্ডিত রামগতি নায়রত্ন তাঁহাকে “বঙ্গীয় প্রাচীন বৈষ্ণব কবি” শীর্ষক প্রবন্ধে লিখিয়াছেন। বিমসু সাহেব তাঁহার “বঙ্গীয় প্রাচীন বৈষ্ণব কবি” শীর্ষক প্রবন্ধে লিখিয়াছেন। আমরা তাহার সারাংশ এস্থলে উদ্ধৃত করিলাম।

“বিদ্যাপতি ১৪৩৩ খৃষ্টাব্দে ভূমিষ্ঠ হইয়াছিলেন। ১৪৮১ খৃষ্টাব্দে ৪৮ বৎসর

Bengal. The Early Vaishnava Poet's of Indian Antiquary. Vol II p. 187.

বয়ঃক্রমে তাঁহার মৃত্যু হয়। সম্ভবত এই তারিখটীই সঙ্গত। পঞ্চদশ শতাব্দীর প্রথম ও মধ্য ভাগে বাল্মীকী ভাষা যেরূপ গঠিত হইয়া আসিতেছিল, তাঁহার ভাষাও ঠিক সেই রূপ। তিনি ব্রাহ্মণ-কুলজ; তাঁহার পিতার নাম ভবানন্দ রায়। তাঁহার প্রকৃত নাম বসন্তরায়। একটা কবিতায় তিনি এই নামের ভণিতা দিয়াছেন (পদকল্প তরু, ১৩১৭) ইহার নিবাস বশোহরের অন্তঃপাতি বরনাটোর গ্রাম ৬। বিদ্যাপতি তাঁহার আশ্রয়দাতা রায় শিবসিংহ, রূপনারায়ণ ও লক্ষ্মী দেবীর উল্লেখ করিয়াছেন। একটা কবিতায় তিনি পাঁচ জন গৌড়েশ্বরের (five Lords of Gour) চির জীবন প্রার্থনা করিয়াছেন। এই সকল নিদর্শন দ্বারা আমরা কবি বিদ্যাপতিকে নবদ্বীপবাসী লিখিতে পারি। বিদ্যাপতির পরে এই স্থানেই চৈতন্য জন্ম গ্রহণ করেন। রায় শিবসিংহ ও অন্যান্য গৌড়েশ্বর নদীয়া

৬ নায়রত্ন মহাশয় লিখিয়াছেন “গত ১০ই পৌষের সোমপ্রকাশে কোনও পত্রপ্রেরক এই ভাবে লিখিয়াছেন যে জিলা বশোহরের অন্তর্গত ভূশুটির নামক গ্রামে ১৩৫৫ শকে ব্রাহ্মণ জাতীয় ভবানন্দ-রায়ের ঔরসে বিদ্যাপতির জন্ম হয় এবং ১৪০৩ শকে ৪৮ বৎসর বয়সে নবদ্বীপে তাঁহার পরলোক প্রাপ্তি হয়। উহার প্রকৃত নাম বসন্ত রায়—বিদ্যাপতি উপাধি মাত্র। উহার রচিত পদাবলী বসন্ত সুকুমার কাব্য।” ইহার সহিত বিমসু সাহেবের মতের ঐক্য আছে।

৭ “চিরঞ্জীব পঞ্চ গৌড়েশ্বর বিদ্যাপতি ভণে।”, বিমসু সাহেব এই চরণের অদ্ভুত ব্যাখ্যা করিয়াছেন। আখ্যাবর্ত্ত—পঞ্চ গৌড় ও দাক্ষিণাত্য—পঞ্চ দ্রাবিড় শব্দে আখ্যাত হইত। সেনরাজগণ বাল্মীকীকে পাঁচভাগে বিভক্ত করেন (বঙ্গ, বাগড়ি, রাঢ়, বারেন্দ্র, মিথিলা।) জনৈক বাল্মীকী ঐতিহাসিক বাল্মীকীর সেই পাঁচ অংশকেই পঞ্চ গৌড় লিখিয়াছেন। কিন্তু কন্দ পুরাণে লিখিত আছে “সারস্বতাঃ কান্যকুব্জা গৌড়মৈথিলিকোৎকলাঃ। পঞ্চ গৌড় ইতি খ্যাতাঃ।” বিদ্যাপতি চাট্টকার রক্তি অবলম্বন পূর্বক তাঁহার আশ্রয়দাতা শিবসিংহকে পঞ্চ গৌড়ে (আখ্যাবর্ত্তে) স্বর লিখিয়াছেন। বিমসু সাহেব ইহা রক্তিতে না পারিয়া উক্ত চরণের এই চমৎকার ব্যাখ্যা করিয়াছেন।



প্রদেশের প্রধান প্রধান ভূম্যধিকারী ছিলেন এবং তাঁহার লিপিত ভাষা তৎকালে মালদহ প্রভৃতি স্থানে প্রচলিত ছিল।”

শ্রীযুক্ত বাবু রাজকৃষ্ণ মুখোপাধ্যায় মহাশয় ১২৮২ বঙ্গাব্দের জ্যৈষ্ঠ মাসের বঙ্গদর্শনে বিদ্যাপতির সম্বন্ধে একটি উৎকৃষ্ট প্রবন্ধ লিখিয়াছেন। তাঁহার সহিত ঐকমত্যে আমরা সেই প্রবন্ধ হইতে কিয়দংশ উদ্ধৃত করিব।

“মিথিলার পঞ্জী নামে একখানি বৃহৎ গ্রন্থ আছে; তাহাতে রাজাদিগের ও ব্রাহ্মণগণের পরিচয় পাওয়া যায়। ১২৪৮ শকে মিথিলাধিপতি হরিসিংহ দেবের রাজত্ব সময়ে উক্ত গ্রন্থ রচনারম্ভ হয়।”

“এই পঞ্জী গ্রন্থে বিদ্যাপতির পরিচয় আছে। তাঁহার পিতার নাম গণপতি, পিতামহের নাম জয়দত্ত, প্রপিতামহের নাম বীরেশ্বর, বৃদ্ধ প্রপিতামহের নাম দেবদিত্য এবং অতিবৃদ্ধ প্রপিতামহের নাম ধর্মাদিত্য। তিনি মিথিলাপতি শিবসিংহের সভাসদ ছিলেন। এই রাজা মৈথিল ব্রাহ্মণবংশীয়, রাজা দেবসিংহ তাঁহার পিতা, লখমা (লক্ষ্মী) দেবী তাঁহার মহিষী। রাজা শিবসিংহ ১৩৬৯ শকে রাজ্যে অভিষিক্ত হইয়া সার্ক তিন বৎসর রাজত্ব করেন।”

“বিদ্যাপতি ৩৪৯ লক্ষ্যাব্দে (১৩৭৯ শকে) তালপত্রে শ্রীমন্তাগবত লিখিয়াছিলেন। সেই গ্রন্থ অদ্যাপি দৃষ্ট হয়। দিল্লীশ্বর বিদ্যাপতিকে বীসপী নামক এক গ্রাম দান করেন। বিদ্যাপতির উত্তর-পুরুষগণ অদ্যাপি সেই গ্রাম ভোগ করিতেছেন। রাজা শিবসিংহ নিজ ভূম্যন্তর্গত সেই গ্রামের দিল্লীপতি-দত্ত দান-পত্র দৃঢ়করণার্থে আপনিও কবিকে একখানি দান-পত্র দেন।” রাজকৃষ্ণ বাবুর জনৈক বন্ধু সেই দান-পত্র

হইতে দুইটা শ্লোক উদ্ধৃত করিয়া তাহাকে পাঠাইয়াছিলেন। তাহার মর্ম্ম এই—

“(২৯৩) লক্ষ্যাব্দে ভূপতির জন্ম  
শ্রাবণ মাসে শুভ তিথিতে শুরু গকে বৃহ-  
স্পতি বারে বাগ্ধতী নদীর তীরে গজরথাখা  
প্রসিদ্ধ পুরে রাজাধিরাজ কৃতী প্রজ্ঞাবান  
দানোৎসাহযুক্ত বীর শ্রীশিবসিংহ দেব ভূ-  
পতি সভামধ্যে বসিয়া সভা সুকবি বিদ্যা-  
পতি শর্ম্মাকে প্রচুরোর্বর বিস্তীর্ণ নদীমাতৃক  
সারণ্য সমরোবর বীসপী নামক গ্রাম সীমা  
পর্যন্ত শাসন স্বরূপ প্রদান করিলেন।”

পূর্বের বলা হইয়াছে যে শিবসিংহ ৩৩৯  
লক্ষ্যাব্দে (১৩৬৯ শকাব্দে) পৈতৃক রাজ্যে  
অভিষিক্ত হন। অথচ এখানে ২৯৩ লক্ষ্য-  
াব্দেই সেই ভূপতি-প্রদত্ত শাসনপত্র দর্শন  
করিলে একটা ভয়ানক সন্দেহ উপস্থিত হয়।  
কিন্তু মৈথিল পণ্ডিতগণ অনুমান করেন  
“যে এই দান-পত্র তাঁহার যৌবরাজ্য-কালে  
প্রদত্ত।”

অন্যান্য রাজ্যের সুবরাজ-প্রদত্ত দুই  
একখানি তাম্র-শাসন আমরা দর্শন করি-  
য়াছি, কিন্তু তাহাদের প্রকৃতি স্বতন্ত্র।  
১১৬৩ ও ১১৬৬ সংবতে কান্যকুব্জের সুব-  
রাজ গোবিন্দচন্দ্র তাম্রশাসন দ্বারা দুই জন  
ব্রাহ্মণকে ভূমিদান করেন। এই দুই শাসন-  
পত্রে গোবিন্দচন্দ্র আপনাকে স্বীয় পিতার  
অধীনে “সুবরাজ” লিখিয়াছেন। সেই গো-  
বিন্দচন্দ্র ১১৭৪ সংবতের শাসন-পত্রে আপ-  
নাকে সুবরাজের পরিবর্তে “মহারাজাধিরাজ”  
ঘোষণা করিয়াছেন। এই রূপ অবস্থায়  
রাজা শিবসিংহ যে তাঁহার পিতার  
আপনাকে রাজাধিরাজ বলিয়া পরিচয় দিয়া-  
ছিলেন ইহা আমরা কখনই বিশ্বাস করিতে  
পারি না।

শিবসিংহের মনন্দখানা তাম্রপত্রে কি  
কাগজে লিখিত এবং তাহা রাজকৃষ্ণ বাবু

পর্যন্ত দর্শন করিয়াছেন কি না ইহা আমরা তাঁহাকে জিজ্ঞাসা করিয়াছিলাম। তিনি তত্বতরে বলিলেন “সনন্দ তিনি সয়ং দর্শন করেন নাই, এবং তাহা ভ্রান্তফলকে উৎকীর্ণ কি কাগজে লিখিত ইহাও বলিতে অক্ষম। যদি সনন্দ কাগজে লিখিত হইয়া থাকে তবে তাহা যে এইক্ষণ নিতান্ত জীর্ণাবস্থায় বর্তমান রহিয়াছে ইহা বলা বাহুল্য। বিশেষতঃ সনন্দের অক্ষ অক্ষপাত পূর্বক লিখিত হয় নাই। একটা শ্লোকের প্রথম চরণ এইরূপ প্রকাশিত হইয়াছে—  
“অন্ধে লক্ষ্মণসেনজুপতিমিতে বহি (৩)  
গ্রহ (৯) দ্বা (২) ক্রিতে”। যদি এস্থলে বহি, গ্রহ, ও দ্বি এর পরিবর্তে গ্রহ, বহি, নেত্র, (=৩৩৯) অথবা চন্দ্র, বেদ, বহি (=৩৪১) বাসনার দ্বারা পাঠ-পরিবর্তন করা যায় তাহা হইলেও একটি সঙ্গত অক্ষ পাওয়া যাইতে পারে। কিন্তু সনন্দ দর্শন না করিয়া আমরা এরূপ কার্যে হস্তক্ষেপ করিতে পারি না। যদি মিথিলাপ্রবাসী কোন পাঠক এ বিষয়ে আমাদের কাছে কিছু সাহায্য করেন তাহা হইলে আমরা নিতান্ত বাধ্য হইব। আমাদের নিশ্চয় বোধ হইতেছে মৈথিল পাণ্ডিতগণ ইহাতে কিছু গণ্ডগোল করিয়াছেন।

ক্রমশঃ

### ঘাসীদাস।

(পূর্ব প্রকাশিতের অন্তর্ভুক্তি।)

যে রজনীর প্রভাবে ঘাসীদাসের জীবনের সর্বসময় গৌরবান্বিত দিবসের অভ্যুদয় হইবে, তাহার অবস্থানে তিনি সূর্য্যকে গম্ভীতে সানিয়া শুভ্রবসনা-উষা-পরিসেবিত গিরি-পুষ্ক হইতে অবতরণ করিতেছেন, দেখা গেল। যোধ হইল যেন ভৌতিক জ্যোতি

অপেক্ষা আধ্যাত্মিক জ্যোতির শ্রেষ্ঠতা কা-  
র্যাতঃ জ্ঞাপন করিবার উদ্দেশে সূর্য্যরশ্মি  
তাঁহার স্বজাতীয়দের সমুৎসুক নেত্রে প্রতি-  
ফলিত হইবার পূর্বেই তিনি বিমল জ্যো-  
তিমান আধ্যাত্মিক তত্ত্ব সকল তাহাদের  
মধ্যে প্রচার করিবার জন্য ধীর গভীর ভাবে  
দৃঢ় জ্ঞাত পদে প্রাচ্য পর্বত হইতে অবতরণ  
করিতেছেন; এবং দূর হইতে তাহা দেখিয়া  
চামারদিগের আহ্লাদের সীমা থাকিতেছে  
না। তাহারা সহসা উর্দ্ধমুখ হইয়া উচ্চ-  
রবে আনন্দসূচক জয়ধ্বনি করিয়া উঠিল।

এরূপ অবস্থায় ঘাসীদাস সমাদৃত হইয়া  
তাহাদের মধ্যস্থ হইলে, তাঁহার মনে যে  
এক অনুপম সুধবোধ হইয়াছিল, তাহা  
অনুভবের বিষয় হইলেও বাক্যে প্রকাশ  
করা যায় না। তিনি কৌতুকাবিক্ট চামার-  
দিগের মধ্যে উপস্থিত হইয়া প্রস্তুত চিত্তে  
তাঁহার তপস্যাজর্জিত এই সহজ ধর্ম্মমত  
সকল উদ্দেশ্যেণ করিতে লাগিলেন যে,  
অনন্ত কোটি ব্রহ্মাণ্ডের স্রষ্টা ও বিধাতা  
যে অনাদি অদ্বিতীয় পুরুষ, তিনি চামার-  
দিগেরও অধিদেবতা। তিনি রূপ-নাম-  
বিবর্জিত। প্রতিমা নির্মাণ করিয়া তাঁহার  
পূজা করিতে হয় না। প্রত্ন্যুত তাঁহার প্র-  
তিমাই নাই; তিনি অপ্রতিম, নিরাকার।  
তিনি সকলেরই নমস্য; নত মস্তকে ভক্তি-  
ভাবে সকলেই তাঁহার শরণাগত হইবে।  
অপিচ, তিনি ইহাও প্রচার করিলেন যে,  
এই সমস্ত ব্রহ্মবাক্য তিনি নানাবিধ অদ্ভুত  
ঘটনা সহকারে সাক্ষাৎ ঈশ্বর হইতে প্রাপ্ত  
হইয়াছেন; এবং সেই ঈশ্বরের বরেই  
তিনি এই নূতন ধর্ম্মের আচার্য্যত্ব লাভ করি-  
য়াছেন। এই পদ চিরকাল তাঁহার বংশা-  
নুগত থাকিবে।

উপরি উক্ত সহজ ও বিশুদ্ধ ধর্ম্মমত  
অচিরাৎ ছত্রিশ গড়ের সমগ্র চামার-সমাজে

প্রচারিত হইল ; এবং তাহারাও অতিমাত্র ব্যগ্রতার সহিত তাহা গ্রহণ করিতে লাগিল। ঘাসীদাসের জীবিত-কাল-মধ্যেই তিনি দেখিতে পাইয়াছিলেন, তাঁহার উদ্ভাবিত মত পঞ্চলক্ষ নিপীড়িত আত্মাকে উপধর্মের দৃঢ় বন্ধন হইতে ছেদন করিতে সক্ষম হইয়াছে। বস্তুতঃ ঘাসীদাস তাঁহার উচ্চতম অভিলাষ সন্নিহিত হইতে দেখিয়া,— তাঁহার প্রবর্তিত ধর্মের প্রভাব সমূহ স্বজাতীয়দিগের মধ্যে বন্ধন হইতে দেখিয়া, আশ্চর্য হৃদয়ে লীলাসম্বরণ করিতে সক্ষম হইয়াছিলেন। ইহা সামান্য মোভাগ্যের বিষয় নহে ! কয়জন ধর্মপ্রচারকের ভাগ্যে এরূপ ঘটিয়াছে ?

যাহা হউক, অতি অল্প কাল মধ্যে ঘাসীদাস-বোধিত ধর্ম-মতের এরূপ যে বহুল প্রচার হইয়াছিল, তৎপ্রতি কারণ এই যে, তিনি কোন ছুর্বেধ্য জটিল মত উদ্ভাবন করিয়া তাহা প্রচার করিবার চেষ্টা করেন নাই। তিনি যে সত্য প্রচার করিয়াছিলেন তাহা সকলেরই হৃদয়ে গূঢ় বা ব্যক্ত ভাবে বর্তমান রহিয়াছে,—তাহা সনাতন সত্য। তাহা গ্রহণ করিবার জন্য মানব মন স্বভাবতঃ সমুৎসুক ; অতএব তিনি চামারদিগের মধ্যে সেই সত্য প্রচার করিয়া কোন রূপ বিপ্রলাপ কীর্তন করেন নাই, বরং তিনি তদ্বারা তাহাদের একটি মহৎ অভাব পূরণ করিয়াছিলেন। ব্রাহ্মণ্য প্রতাপে চামারেরা এতাবৎ কাল ধর্ম্য অধিকার হইতে একবারে বঞ্চিত ছিল ; তাহারা অযাজ্য অস্পৃশ্য জাতি বলিয়া পরিগণিত হইত। স্তত্রাং হিন্দুধর্ম হইতে তাহারা কিছু মাত্র আশ্বাস প্রাপ্ত হইত না। কিন্তু ধর্মের আশ্বাস ব্যতীত ইহ সংসারে কিছুতেই মানব মনের সুস্থতা বিধান হইতে পারে না, মন সর্বদা অবিভূপ থাকে। বস্তুতঃ

যে সময় ঘাসীদাস তাহাদিগকে এই শুভ সংবাদ আনিয়া দিয়াছিলেন যে, ঈশ্বর প্রসাদে তিনি তাহাদের মধ্যে এরূপ সমুদার ধর্ম আনয়ন করিয়াছেন, যাহা তাহাদিগকে কেবল যে আভিজাত্য-গর্ভিত ব্রাহ্মণাদি হিন্দুদিগের সুদারুণ ঐহিক পীড়ন হইতে নিস্কৃত করিবে এরূপ নহে, তাহারা পরম উপাদেয় আজন্মাদিগত অধিকার—ধর্ম্য অধিকার হইতে এত দিন যে বঞ্চিত ছিল, সেই বিষয় বিড়ম্বনা হইতেও তাহারা মুক্ত হইবে ;—এই শুভ সংবাদ যে সময় ঘাসীদাস প্রচার করেন, সেই সময় চামারদিগের মন ঈর্ষালু ব্রাহ্মণ্য ধর্মের কঠোর পেষণে নিতান্ত অধীর, এবং ইতিপূর্বে তাহারা কর্তৃক সঙ্কুচিত হইয়া তাহাদের পবিত্র আধ্যাত্মিক পিপাসা একান্ত বলবতী হইয়া উঠিয়াছিল। তিনি উপযুক্ত সময়েই তাহাদিগকে বিশ্ব-জন-প্রাপ্তি “সর্বেষাং ভূতানাং মধু” ধর্ম আনিয়া দিয়াছিলেন। অতএব ঘাসীদাস যে সময় কাল মধ্যে আপন উদ্দিষ্ট বিষয়ে সক্ষম রূপ কৃতার্থতা লাভ করিবেন তাহা বিচিত্র নহে। তিনি তাহাদের কোন পুরাতন সন্দেহিত প্রিয় ধর্ম-মতের নিপাতন সাধন করিয়া তদুপরি একটি নূতন কিছুর প্রস্তাব করিবার চেষ্টা করেন নাই। বরং তাহাদের ছিল না, যাহার অভাবে জীবনে সুখ শান্তির সন্ধান হয় না, হিন্দু পুরোহিতেরা যত্ন সহকারে যাহা হিন্দুদিগকে এতকাল বঞ্চিত রাখিয়াছিলেন এবং যদর্থ সমাজমধ্যে তাহারা ছেয় ও অতি জঘন্য নীচ মনন হইতেও স্ঘর্গ হইয়াছিল, তৎসমস্ত ঘাসীদাস তাহাদের সেই অভাব মোচন করিয়াছিলেন,—অমূল্যধন ধর্মের প্রদানের সুখামাদ্য করিয়া দিয়াছিলেন।



ভয়েই তাহারা এত কাল ধর্মের সমী-  
পস্থ হইতে পারে নাই, আজ ঘাসীদাস  
হইতেই তাহাদের সে ভয় অন্তর্হিত হইল,  
তাহারা ধর্মকে হৃদয়ে আলিঙ্গন করিতে  
সাহসী হইল। আপনাদিগকে দীন হীন  
বলিয়া আর তাহাদিগকে ভাবিতে হইবে না।  
অপিচ, তিনি চামারদিগের মধ্যে এই নূতন  
ধর্ম প্রচার করিয়া তাহাদের আধ্যাত্মিক পথ  
যেমন পরিস্কৃত করিয়া গিয়াছিলেন, তিনি  
তদ্বারা তাহাদের সামাজিক স্পর্ধা ও উচ্চা-  
ভিলাষও তেমনই সঙ্কুচিত করিয়া দিয়াছি-  
লেন। কালে যে উক্ত চামারেরা স্বদেশীয়  
আর্য্য সম্ভানদিগের প্রতিবোধ হইয়া সমাজে  
আপনাদের স্বাভাবিক স্বত্ব সংস্থাপনার্থ অ-  
ভ্যাকাজ্জী হইয়া উঠে, ঘাসীদাসই ঐরূপে  
তাহার সূত্রপাত করিয়া যান। আর তিনি  
ঠিকই বুঝিয়াছিলেন যে, অবিমিশ্রিত মরল  
মত প্রচার করিয়া সাধারণ লোককে চিরা-  
চরিত আচার ব্যবহারের বিরুদ্ধে সর্বদা  
প্রবর্তিত করা যায় না, করিলেও তাহা অ-  
ধিক দিন স্থায়ী হয় না। নিরলঙ্কৃত মত  
কেবল মার্জিত মনেরই অভিগম্য। অত-  
এব দৈবত প্রচ্ছাদনে মগ্নিত করিয়া তাঁহার  
উদ্ভাবিত ধর্মমত সকল প্রচার করিতে,  
তিনি তাহাতে যেমন কৃতার্থতা লাভ করি-  
য়াছিলেন, সামাজিক বিষয়েও অনুরূপ  
কৌশল অবলম্বন করিতে স্বজাতীয়দিগের  
কুসংস্কারবিরুদ্ধ নির্জিত মন হইতে আভি-  
জাত্য-ভীতি নিরাকৃত করিতে তিনি তেমন  
সমর্থ হইয়াছিলেন; তাহাদের মধ্যে তিনি  
আহারাদি বিষয়ে হিন্দুদিগের ন্যায় কতক-  
গুলি কৃত্রিম কঠোর নিয়ম নিবন্ধ করিয়া  
তাহাদিগকে হিন্দুদিগের সমকক্ষতা-স্পর্ধা  
করিয়া তুলিয়াছিলেন। চামারেরা ভাবিয়া-  
ছিল, ঐ সমস্ত নিয়ম প্রতিপালন জন্যই  
হিন্দুমা তাহাদের অপেক্ষা শ্রেষ্ঠ বলিয়া

পরিগণিত হয়, আর তাহা না করিয়াই তা-  
হারা (চামারেরা) সমাজে এতকাল নরাপসদ  
শ্রেয়স্বৎ হেয় ও পরিত্যক্ত হইয়াছিল। এক্ষণে  
ঘাসীদাস তাহাদের মধ্যে দেবাদিক্ত আভাব-  
হারিক বিধি সকল নিয়মন করিয়া তাহাদি-  
গকে হিন্দুদিগের সহিত প্রতিকক্ষতার অধি-  
কারী করিয়াছেন। বস্তুতঃ অধুনা তাহারা  
সামাজিক সমতার ভাবে এতদূর উদ্গুপ্ত হই-  
য়াছে যে, এখন চামার নামে অভিহিত  
হইতে তাহারা লজ্জা বোধ করিয়া থাকে।  
আর, ঘাসীদাস নাকি তাঁহার এই অভিনব  
সম্প্রদায়ের কোন বিশেষ নামকরণ করিয়া  
যান নাই—অতএব তাঁহার মৃত্যুর পর তা-  
হারা এখন আপনাদিগকে “সৎনামী” বলিয়া  
সংজ্ঞাত করে। ফলতঃ তাহারা সৎনামী  
নহে, এবং ঘাসীদাসও উক্ত সাম্প্রদায়িক  
মতের প্রবর্তক ছিলেন না। বরং ঘাসীদাস-  
প্রবর্তিত ধর্মের সহিত উক্ত সৎনামী ধর্মের  
প্রচুর পার্থক্যই রহিয়াছে। অতএব ছত্রিশ  
গড়ের চামারেরা এক্ষণে সৎনামী নামে  
আপনাদের পরিচয় দেয়, শুদ্ধ এই জন্যই  
যাঁহারা তাঁহাকে সৎনামী সম্প্রদায়ের প্রব-  
র্তক বলিয়া স্থির করিয়াছেন, তাঁহারা  
ভ্রান্তই; যে হেতু ঘাসীদাসের বহু পূর্বে  
কবীর-শিষ্য জগজীবন দাসের দ্বারা সৎনামী-  
সম্প্রদায়ের সৃষ্টি হয়। কিন্তু কেবল সেই  
জন্য আবার, যাঁহারা ঘাসীদাসকে সৎনামী  
শিষ্য বলিয়া অনুমান করেন, তাঁহাদের অনু-  
মানও সমূলক নহে।

সৎনামীর কবীরপস্থিদিগের একতম  
শাখা মাত্র। বৌদ্ধদিগের ন্যায়, কবীর-  
পস্থিদিগের গুরুভক্তি প্রসিদ্ধই আছে।  
গুরুভক্তিই তাহাদের ধর্মের প্রধান ও অব-  
শ্যম্প্রয়োজনীয় অঙ্গ। গুরুকে তাহারা এক  
প্রকার সাক্ষাৎ ঈশ্বরস্বরূপ জ্ঞান করে,  
এবং বিশেষ-লক্ষণাক্রান্ত পুরুষকে গুরুপদে

মনোনীত করে। কিন্তু ঘাসীদাসী ধর্মের  
সে রূপ হয় না। যদিও ঘাসীদাসের শিষ্যেরা  
এক জন প্রধান আচার্যের আনুগত্য স্বীকার  
করিয়া থাকে, কিন্তু তৎপদলাভের জন্য আ-  
চার্যের অন্য কোন উৎকর্ষতা বা বিশেষত্বের  
তাদৃক আবশ্যক করে না। তিনি ঘাসীদাস-  
বংশজ হইলেই বধেই হয়। ইহা ঘাসীদাসী  
ও সংনামী ধর্মের স্পর্শ পার্থক্য। অধিকন্তু  
আধুনিক বঙ্গীর বৈষ্ণব সম্প্রদায় ভিন্ন ভারত-  
বর্ষের অন্য কোন হিন্দুধর্ম-সম্প্রদায়ে প্রবিক্ত  
হইতে এক জন অপরিচিত ব্যক্তির যে কত  
সাধ্য সাধনা আবশ্যক, কত পরীক্ষা দান  
প্রয়োজন, ইহা তাঁহারা বিশেষ রূপে অবগত  
আছেন, তাঁহারা কখনই বিশ্বাস করিতে  
পারেন না যে, অপরিচিত অনক্ষর অমভ্য  
ঘাসীদাস ছয় মাসের ন্যূন কাল মধ্যে সং-  
নামী সম্প্রদায়ের ন্যায় একটী সম্বৃত ধর্ম-  
সম্প্রদায়ে দীক্ষিত হইতে ও তাহার গুঢ়  
রহস্য সকল আয়ত্ত করিতে সমর্থ হইয়া-  
ছিলেন। ধর্মীয় ধর্মসম্প্রদায়ের ন্যায় আশা-  
দের হিন্দুধর্ম-সম্প্রদায় সকল একরূপ অব-  
রিত দ্বার নহে যে, যে কেহ ইচ্ছা করি-  
লেই তাহাতে সহজে প্রবেশ লাভ ক-  
রিতে পারে। হিন্দু সম্প্রদায়কেরা দলপুষ্টি  
অপেক্ষা স্বদলের গৌরব রক্ষার জন্য অধি-  
কতর ব্যগ্র। বস্তুতঃ হিন্দুধর্ম দুঃপ্রবেশ্য  
বলিয়াই হিন্দুদিগের চক্ষে তাহার এত  
গৌরব, এত আদর। একরূপ অবস্থায় ঘাসী-  
দাস যে স্মীয় ধর্মরহস্য সকল সংনামী-  
দিগের হইতে শিক্ষা করিয়াছিলেন, ইহাও  
সম্ভবপর নহে। তবে ইহাই বরং অধিক-  
তর সম্ভব যে, এক্ষণে চামারেরা ঘৃণিত  
পৈতৃক উপাধি পরিত্যাগ করিয়া সম্রাজ্যের  
জন্য লক্ষপ্রতিষ্ঠ সংনামী নামের আশ্রয়  
গ্রহণ করিয়াছে।

যাহা হউক, ঘাসীদাস স্বজাতীয়দিগকে

নিদারুণ লোভন্য প্রতাপ হইতে উদ্ধার  
করিয়া সপ্ততি বৎসর বয়ঃক্রম-কালে ১৮৫০  
খৃঃ অব্দে কালের বশবর্তী হইয়া ইহলোক  
পরিত্যাগ করিয়াছেন। তিনি যে একজন  
অসামান্য লোক ছিলেন, তাহা বলিবার  
অপেক্ষা নাই। অশিক্ষিত নীচকুলোদ্ভব  
হইয়া তিনি যে রূপ আধ্যাত্মিক তত্ত্ব সকল  
আয়ত্ত করিতে সক্ষম হইয়াছিলেন, কয় জন  
কুলীন সম্ভান সর্বদা শাস্ত্রালোচনা করিয়া  
তাঁহার সমকক্ষতা লাভ করিতে পারিয়াছেন?  
ঐহরের আধ্যাত্মিক প্রসাদ যে বিদ্যার বা  
আভিজাত্যের পক্ষপাতী নহে, ঘাসীদাসই  
তাহার একটী অতুল্য দৃষ্টান্ত-স্থল।

ঘাসীদাস লোকান্তরিত হইলে তাঁহার  
জ্যেষ্ঠ পুত্র বালকদাস তাঁহার স্থলাভিষিক্ত  
হইয়াছিলেন। এই বালকদাস সামাজিক  
সমতার ভাবে এতদূর আক্ষালিত হইয়াছি-  
লেন যে, তিনি প্রকাশ্য রূপে উপবীত  
ধারণ করিতে সাহসী হন। ইহা হিন্দুদি-  
গের নিতান্ত অসহনীয়। অতএব এই  
জন্যই ১৮৬০ সালে কতকগুলি হত্যাকারীর  
হস্তে তাঁহাকে নিহত হইতে হইয়াছিল।  
তিনি ঐ বৎসর একদা বিশেষ কার্যোপলক্ষে  
রাইপুর যাত্রা করিয়া পথিমধ্যে রাজিকালে  
কোন পান্থনিবাসে অবস্থিতি করিয়াছিলেন,  
তাঁহার সঙ্গে কয়েক জন শিষ্যও ছিল।  
ইহাৎ কতকগুলি লোক আসিয়া তাঁহার বধ  
সাধন করিয়া যায়। সকলেই অনুমান করে  
তাহারা রজপুত হইবে। কিন্তু ব্রিটিশ গবর্ন-  
মেন্ট অনুসন্ধান দ্বারা এই উপাংশু বধের  
বিষয় এপর্যন্ত কিছুই নির্ণয় করিতে পারেন  
নাই। বালকদাসের পর তাঁহার ভ্রাতা  
অঘোরদাস চামারদিগের প্রধানাচার্যের  
পদে প্রতিষ্ঠিত হন।

চামারদিগের কোন রূপ সাধারণ পূজা  
পদ্ধতি বা আরাধনা-প্রক্রিয়া নাই। কোন

মদিরও নাই। তাহাদের মনে কোন সময়ে আধ্যাত্মিক ভাবের উচ্ছ্বাস হইলে তাহার স্বতন্ত্র রূপে ঈশ্বরের নাম-জপ ও সময়ে সময়ে প্রার্থনা করিয়া থাকে। বিবাহ, জাতকর্ষ্ম প্রভৃতি ক্রিয়া-কলাপ নিব্বাহ করা প্রধানাচার্যের কার্য বটে, কিন্তু তদর্থ তাহার উপস্থিতি একান্ত প্রয়োজনীয় হয় না। বঙ্গমানের সঙ্গতি অসঙ্গতি বিবেচনা করিয়া কোন দশ জন চামারে মিলিয়াও তাহা যথারীতি সম্পন্ন করিতে পারে। তবে কাহাকেও সমাজচ্যুত বা কোন নমাজ্জুত লোককে পুনঃগ্রহণ করিতে হইলে, তৎবিষয়ে প্রধানাচার্যের সম্মতি অসম্মতি নিতান্ত প্রয়োজনীয়, ও তাহাই চূড়ান্ত। আর অবিবেচন নিষিদ্ধ না হইলেও চামারেরা প্রায় একাধিক বিবাহ করে না। হিন্দুদিগের সহিত এক্ষণে তাহাদের এত মৌমাদৃশ্য লক্ষিত হয় যে, বিশেষ না জা-নিয়া প্রথম দৃষ্টিতে তাহাদের পার্থক্য নির্দ্ধা-রণ করা সহজ হয় না। এক্ষণে উহারা সামাজিক অনেক বিষয়ে হিন্দুদিগের অনু-করণ করিয়াছে। তবে দৃষ্টতঃ এক পার্থক্য এই যে, তাহাদের স্ত্রীরা পুরুষদিগের ন্যায় সর্বত্র সচ্ছন্দে বিচরণ করিতে পারে ও পুরুষদিগকে বৈষয়িক কার্যে নানা রূপে সাহায্য করিয়া থাকে। আর চামারেরা প্রত্যেক প্রতিবৎসর একবার করিয়া আচার্য্য দর্শন করিতে যায় ও কিছু কিছু বার্ষিক প্রদান করিয়া আইসে।

We are glad to observe that Baboo Raj Narain Bose's "HinduTheist's Brotherly Gift to English Theists", which is a European reprint, published by Messrs. Williams and Wargate of London and Edinburgh, of the first half of his old publication titled "What is Brahmaism" with very little addition and alteration, has been very favourably received in England. The Rev. Charles Voysey in

one of his letters to the Baboo, says: "I have read with the deepest satisfaction your Essay on Theism. It might be called a marvel of English composition, so happy have you been in the selection of words and so admirably clear in expressing your thought. I believe it will command the assent of all Theists, though here and there on minor points there would be a slight difference of opinion." The "Truth Seeker," a liberal Unitarian paper edited by the Rev. John Page Hopps, thus notices the work: "One of the best expositions of Theism we have yet seen; full of clear thought and fine feeling. We are promised 'Theistic Selections from the Bible' and hope to see it as an instalment of a much needed work." It is no small praise to a native of Bengal that "one of the best expositions of Theism" in the English language should come from his pen. The "Inquirer", the chief organ of the English Unitarians in its issue of the 16th July last has a long commendatory review of the work. The Reviewer says: "We welcome this little gift from a cultured and spiritually minded Hindu Theist and would assure the author that we have read it with unqualified approval. \* \* \* Theism, as he presents it to us, is indeed a noble, rational and beautiful faith and his statement of it is clear and concise. \* \* \* The Essay before us presents Theism in its, purest and highest form, stripped of the legends and superstitions which degrade and deform more or less all the great historical religions of the world \* \* \* Our own Christianity embraces the noblest sentiments contained in this Essay. With its spirituality, its catholicity, its high and pure morality, its universalism, we are in full sympathy." After quoting a passage from the book the reviewer remarks; "These are true and noble sentiments. Would that the mass of mankind were ready to appreciate and receive them."

#### NOTICES OF BOOKS.

"Prayers and Ministries for Public Worship in Six Services. Selected and Arranged by Peter Dean. Walsall. James Anderson, 2, Sandwell Street."

We have to acknowledge with thanks the receipt of the above book from England. The

Rev. Mr. Peter Dean is the minister of the Unitarian Free Church of Clerkenwell. He obviously belongs to that class of Unitarians who are so in name only, but are in fact, thorough-going Theists. The book under notice is eminently and refreshingly theistic throughout. There is not a single passage in the whole book which may lead the reader to doubt that the compiler is a Theist. The prayers are all addressed to God and God only, and we are exceedingly glad that no mention of the name of Christ as the Saviour of men or as the greatest of Prophets or even as the most perfect of men is to be found in the Services. Unitarians of the Rev. Peter Dean's type are Theists—ininitely much better Theists than the "New Dispensationists,"—the members of the so-called Brahmo Samaj of India, and we eagerly look forward to the day when all English Unitarians will gradually rise to the religious position of the Rev. Mr. Dean.

"Spiritual Stray Leaves. By Peary Chand Mitra, Calcutta. Printed by I. C. Bose & Co. Stanhope Press, 249, Bowbazar Street. And published by Messrs. Thacker Spink & Co. 1879."

"On the Soul. Its Nature and Development. Calcutta. Printed and published by I. C. Bose & Co. Stanhope Press, 249, Bowbazar Street, 1881"

Baboo Peary chand Mitra, the veteran Spiritualist of Bengal, has done a good service to India by proving in his two recent works mentioned above that almost all that modern American Spiritualism teaches about the human soul (we here speak of higher things than spirit-rapping and table turning) was once taught by the Rishis of Aryavarta, and that to an Indian well acquainted with the ancient literature of his country there is essentially not much to learn in the boasted Spiritual Philosophy of the present time. We are highly grateful to Baboo Pearychand for the pains he has taken to show that our ancestors were not inferior in the knowledge of the nature and powers of the human soul to the most enlightened people of the nineteenth century. The mass of erudition which he has brought to bear upon the subject in his work on the nature and development of the soul is profound.

LETTER.

28, Cheyne Walk, London.

August 31st, 1881.

The Theistic Church, London.

Rev. Raj Narain Bose

President,

Adi Brahmo Samaj.

Dear Sir,

I beg to formally acknowledge the receipt of a Bill of Exchange for £ 50 being the contribution of the Adi Brahmo Samaj to the Building Fund of the Theistic Church, London. The subject will be brought before the Trustees at their Meeting on the 7th. September and they will doubtless instruct me to suitably thank the A. B. S. for the very generous contribution.

Your congratulation upon the establishment of the Theistic Church in England will, I am sure, be warmly appreciated by the Trustees.

With my best wishes for the advancement of the cause in India.

I am, Dear Sir,

yours very truly.

William Pain.

Hon. Sec. Theistic Church Trusts,  
London.

28, Cheyne Walk, London.

September 9th, 1881.

The Theistic Church, London,

Dear Sir,

At a meeting of the Trustees held on September 7th. the following Resolution was proposed by Mr. Eve, seconded by the Rev. D. Robinson and carried by acclamation,

"That the Trustees of the Theistic Church, London, beg to offer to the Adi Brahmo Samaj of India their very cordial and grateful thanks for the liberal donation of £ 50, forwarded by that body, through their President, towards the Building Fund of the Church. The Trustees also wish to express their very sincere and earnest hopes for the continued success of the Adi Brahmo Samaj in the good work they are doing in India"



I enclose the formal receipt of our Hony. Treasurer and with best wishes to yourself. Believe me to remain Yours truly, William Pain. Hon. Sec. T. C. T. The Rev. Raj Narain Bose President, A. B. Samaj. Calcutta.

Extract from the Report of the Trustees of the Theistic Church Trust for the year terminating on the 30th. September 1881. "The Trustees have to acknowledge a very handsome donation to the Building Fund by the Adi Brahma Samaj of India and they value more particularly the kindly spirit shewn by this donation."

প্রাপ্তিস্বীকার।

আমরা কৃতজ্ঞতা সহকারে স্বীকার করিতেছি যে নিম্নলিখিত চারিখণ্ড পুস্তক এবং দুই খণ্ড মাসিক প্রবন্ধ পত্র প্রাপ্ত হইয়াছে। "নন্দীতহার" ক্রীযুক্ত পুণ্ডরীকানন্দ মুখোপাধ্যায় প্রণীত। "ব্রহ্মবিবাহ" ক্রীযুক্ত চন্দ্রকুমার ভট্টাচার্য্য বি, এ, প্রণীত। ক্রীহটপুস্তক এবং জোয়ানের জীবনচরিত ক্রীযুক্ত কৈলাশচন্দ্র সিংহ প্রণীত। ভাচার্য্য নামীয় দুই সংখ্যা মাসিক প্রবন্ধ পত্র।

ADVERTISEMENT.

What is Brahmoism? By Rajnarain Bose. Sold at the Adi Brahma Samaj Library. Price 4 annas. Postage 1/2 anna.

বিজ্ঞাপন।

আগামী ১১ মাঘ সাংসারিক ব্রাহ্মসমাজ উপলক্ষে ১১১২১৩ মাঘে আদি ব্রাহ্মসমাজের পুস্তকালয়স্থ বি-সকল নিম্নলিখিত নগদ মূল্যে বিক্রয় হইবে। মক্কেলের ক্রেতাগণ ১১ মাঘের মধ্যে মণিঅর্ডার বা ছুটি দ্বারা পুস্তকের মূল্য ও আনুমানিক ডাক মাস্তুল ক্রীযুক্ত অসন্নকুমার বিশ্বাস সহকারী সম্পাদকের নিকট পাঠাইলে পুস্তক প্রাপ্ত হইবেন, ডাকের টিকিট পাঠাইবেন না।

নির্দ্ধারিত মূল্য।

প্রকৃত অসাম্প্রদায়িকতা কাহাকে বলে ?	১০
জীবনের উদ্দেশ্য ও তৎসাধনের উপায়	১০
গীতাহার ... ..	১০
ব্রহ্মসঙ্গীত সম্পূর্ণ ভাল বাঁধা ...	১০
এতদেশীয় জীলোকদিগের পূর্বাভাষা ...	১০
আত্মোৎকর্ষবিধান ...	১১/১০
ব্রাহ্ম বিবাহ বিচার	৫
ব্রাহ্ম ধর্মের অসাম্প্রদায়িকতা	৫
সঙ্গীত মঞ্জরী	১০
সঙ্গীত হার	১০
ব্রহ্মসঙ্গীত ক্রীযুক্ত রাজেন্দ্র কুমার রায় চৌধুরী প্রণীত ... ..	১/১০
রাজা রামমোহন রায়ের গ্রন্থাবলী ১ম সংখ্যা হইতে ১৩শ সংখ্যা পর্যন্ত প্রতি সংখ্যার মূল্য	১০
বাঙ্গালা ভাষা ও সাহিত্য বিষয়ক বক্তৃতা	১০
ভগবদ্গীতাসংগ্রহ ... ..	১০

Rs As P.

A Discourse against Hero-making in religion	12	0	0
Science of Religion	4	0	0
Leonard's History of the Brahma Samaj	3	0	0
Who is Christ ?	0	0	6

২৫ টাকা কমিসন বাদে নির্দ্ধারিত মূল্য।

ব্রাহ্মধর্মের ব্যাখ্যান সম্পূর্ণ (হুতন সংস্করণ)	৩১০
ব্রাহ্মধর্ম প্রথম ও দ্বিতীয় খণ্ড তাৎপর্য্য সহিত (লাল কাল অক্ষরে)	১১০
ব্রাহ্মধর্ম প্রথম ও দ্বিতীয় খণ্ড তাৎপর্য্য সহিত (ঐ ভাল বাঁধা)	১৬১০
ব্রাহ্মধর্ম প্রথম ও দ্বিতীয় খণ্ড তাৎপর্য্য সহিত (মূল ও টাকা দেবনাগর অক্ষরে ও তাৎপর্য্য বাঙ্গালা অক্ষরে)	২১১০
বেদান্তপ্রবেশ	৬০
বক্তৃতা কুলুমাঞ্জলি	৬০
স্বর্ষি	৬০
ব্রাহ্মধর্মের মত ও বিশ্বাস	১০০
রাজনারায়ণ বসুর বক্তৃতা প্রথম ভাগ	১০০
রাজনারায়ণ বসুর বক্তৃতা দ্বিতীয় ভাগ	১১০
হিন্দুধর্মের ঐশ্বর্য্যতা	১০০
গৃহকর্ম	১০
প্রাত্যহিক ব্রহ্মোপাসনা	১/৫

As P.

Defence of Brahmoism and the Brahma Samaj	3	0
Brahmic Questions of the Day	4	6
Brahmic Advice, Caution and Help	2	3

	As	P.
Adi Brahma Samaj, its Views and Principles	1	6
Adi Brahma Samaj as a Church	2	3
A Reply to the Query; "What is Brahmoism?"	3	"
Theistic Toleration and Diffusion of Theism	0	9
Reply to Bishop Watson's Apology for the Bible	4	6

নির্দ্ধারিত অর্দ্ধ মূল্য।

ব্রহ্মবিদ্যালয় ... ..	১০	
ব্রাহ্মধর্মের ব্যাখ্যান—প্রথম প্রকরণ	১০	
ব্রাহ্মধর্মের ব্যাখ্যান—দ্বিতীয় প্রকরণ	১০	
মাসিক ব্রাহ্মসমাজের উপদেশ ...	১০	
ব্রাহ্মধর্মের উচ্চ আদর্শ ও আনাদিগের আধ্যাত্মিক অভাব ...	১০	
সংস্কৃত ব্রাহ্মধর্ম (দেবনাগর অক্ষরে)	১০	
বাঙ্গালা ব্রাহ্মধর্ম ১ম ও ২য় খণ্ড	১০	
বাঙ্গালা ব্রাহ্মধর্ম দ্বিতীয় খণ্ড ...	১০	
বাঙ্গালা ব্রাহ্মধর্ম তাৎপর্য সহিত ...	১০	
কলিকাতা ব্রাহ্মসমাজের বক্তৃতা ...	১০	
ব্রাহ্মসমাজের বক্তৃতা ... ..	১০	
কাশীপুর মিত্রের বক্তৃতা ...	১০	
বেহালা ব্রাহ্মসমাজের বক্তৃতা	১০	
ভবানীপুর সাধারণ সমাজের বক্তৃতা	১০	
বোয়ালিয়া ব্রাহ্মসমাজের প্রার্থনা ও উপদেশ	১০	
তত্ত্ববিদ্যা দ্বিতীয় সংস্করণ ...	১০	
ধর্মতত্ত্বদীপিকা প্রথম ভাগ ...	১০	
ধর্মতত্ত্বদীপিকা দ্বিতীয় ভাগ ...	১০	
ধর্মতত্ত্বদীপিকা প্রথম ও দ্বিতীয় ভাগ একত্রে	১০	
অধিকারতত্ত্ব ... ..	১০	
হিন্দুধর্মনীতি ... ..	১০	
ধর্ম ও জ্ঞানের মীমাংসা ...	১০	
তত্ত্বপ্রকাশ ... ..	১০	
ব্রহ্মোপাসনা ... ..	১০	
ব্রহ্মোপাসনা পদ্ধতি ... ..	১০	
ধর্ম-শিক্ষা ... ..	১০	
প্রবচন-গ্রন্থ ... ..	১০	
ব্রহ্ম-সঙ্গীত চতুর্থ ভাগ ...	১০	
ব্রহ্ম-সঙ্গীত পঞ্চম ভাগ ...	১০	
সঙ্গীতমুক্তাবলি ১২ ভাগ একত্রে	১০	
সঙ্গীতমুক্তাবলি তৃতীয় ভাগ ...	১০	
কুমারশিক্ষা ... ..	১০	
প্রথমগল্পগী ... ..	১০	
প্রভাত-কুমুম ... ..	১০	
ধর্মদীক্ষা ... ..	১০	
ব্রহ্মসাধন ... ..	১০	
ব্রহ্মজ্ঞানসূত্র তাৎপর্য সহিত ...	১০	
ব্রাহ্মধর্ম ভাব প্রথম খণ্ড ...	১০	
ব্রাহ্মধর্ম ভাব দ্বিতীয় খণ্ড ...	১০	
ব্রাহ্মধর্মের সহিত জন-সমাজের সম্বন্ধ	১০	

	Rs	As	P.
ব্রাহ্মধর্ম ও ব্রাহ্মসমাজ বিষয়ক প্রস্তাব উপদেশ ... ..			
ভূর্গোৎসব ... ..			
পঞ্চবিংশতি বৎসরের পরীক্ষিত রক্তাস্ত			
Ontology	1	"	6
Hindoo Theism	"	"	6
Theist's Prayer Book	"	"	6
Signs of the Times	"	"	
Doctrine of Christian Resurrection	"	1	"
Physiology of Idolatry	"	1	"
Miracles or the Weak Points of Revealed Religion	"	4	"

নির্দ্ধারিত সিকি মূল্য।

মাঘোৎসব ... ..	১০
দশোপদেশ ... ..	১০
সংস্কৃত ব্রাহ্মধর্ম (টাকা সহিত)	১০
অহুষ্ঠান-পদ্ধতি ... ..	১০
রক্তি সহিত কঠোপনিষৎ (দেবনাগর অক্ষরে)	১০
১৭৬৯ শক অবধি ১৮০২ শক পর্যন্ত (১৭৭৪ ও ১৭৮৩ শক বাদে) যে সকল তত্ত্ববোধিনী পত্রিকা পুস্তকালয়ে উপস্থিত আছে, তৎসমুদায়ও অর্দ্ধমূল্যে অর্থাৎ বৎসরের একত্র বাঁধান ২১০ টাকার হিসাবে বিক্রয় হইবে।	
নির্দ্ধারিত মূল্যের পুস্তক সকল অনুমান দশ ক্রয় করিলে শতকরা ২২১০ টাকার হিসাবে দেওয়া হইবে।	

তত্ত্ববোধিনী পত্রিকার অগ্রিম বার্ষিক মূল্য ৩  
পঞ্চাৎদেয় বার্ষিক মূল্য ৪১০ ডাক মাসুল ১০।

তত্ত্ববোধিনী পত্রিকার প্রথম কম্প  
(১৭৬৫ শকের ভাদ্র, যে মাস হইতে উক্ত  
প্রথম প্রকাশ হইতে আরম্ভ হয় তদবধি  
শকের চৈত্র পর্যন্ত) চারি বৎসরের পত্রিকা  
দ্রিত হইবার কম্পনা হইতেছে। দুই শত  
হইলে উক্ত কার্যে প্রবৃত্ত হওয়া যাইতে  
যাঁহারা গ্রাহকশ্রেণীভুক্ত হইতে ইচ্ছা  
তাঁহারা আদি ব্রাহ্মসমাজের সম্পাদকের  
স্বীয় নাম ধাম লিখিয়া পাঠাইবেন। উহার  
অগ্রিম মূল্য ৩ টাকা অর্থাৎ প্রথম কম্পের  
মূল্য ১২ বার টাকা।

শ্রীজ্যোতিরিন্দ্রনাথ ঠাকুর  
সম্পাদক

আগামী ৫ পৌষ সোমবার সন্ধ্যা ৭ ঘটিকার  
সময় বন্ধুহাটি ব্রাহ্ম সমাজের চতুর্বিংশ সাধারণ  
উৎসব হইবেক।